

古蹟

孝子

附錄

人物

孝婦

才行


烈女

忠臣

名宦

松原志

四



松京誌卷之七

古蹟

金寬毅編年通錄云有名虎景者自號聖骨將軍
自白頭山遊歷至扶蘇山左谷娶妻家焉富而無
子善射以獵為事一日與同里九人捕鷹平那山
會日暮就宿巖竇有虎當竇口大吼十人相謂曰
虎欲啗我輩試取冠攬者當之遂皆投之虎攬虎
景冠虎景出欲與虎鬪虎忽不見而竇崩九人皆
不得出虎景還告平那郡來葬九人先祀山神其
神見曰予以寡婦主此山幸遇聖骨將軍欲與為

夫婦共理神政請封爲此山大王言訖與虎景俱
隱不見郡人因封虎景爲大王立祠祭之以九人
同亡改山名曰九龍虎景不忘舊妻夜常如夢來
合生子曰康忠康忠體貌端嚴多才藝娶西江永
安村富人女名具置義居五冠山摩訶岬時新羅
監千八元善風水到扶蘇郡郡在扶蘇山北見山
形勝而童告康忠曰若移郡山南植松使不露巖
石統合三韓者出矣於是康忠與郡人徙居山南
栽松遍嶽因改名松嶽郡遂爲郡上沙粲且以摩
訶岬第爲永業之地往來焉家累千金生二子季

曰損乎述改名寶育寶育性慈惠出家入智異山
修道還平邦山北岬又徙摩訶岬嘗夢登鵠嶺向
南便旋溺溢三韓山川變成銀海明日以語其兄
伊帝建伊帝建曰汝必生支天之柱以其女德周
妻之遂爲居士仍於摩訶岬構木菴有新羅術士
見之曰居此必大唐天子來作婿矣後生二女季
曰辰義美而多才智年甫笄其姊夢登五冠山頂
而旋流溢天下覺與辰義說辰義曰請以綾裙買
之姊許之辰義令更說夢攬而懷之者三既而身
動若有得心頗自負唐肅宗皇帝潛邸時欲遍遊

山川以明皇天寶十二載癸巳春涉海到涓江西

浦方潮退江渚泥淖從官取舟中錢布之乃登岸

後名其浦為錢浦

閔漬編年綱目引碧巖等禪錄云宣宗年十三當穆宗朝戲登

御床作揖羣臣勢穆宗子武宗心忌之及武宗即位宣宗遇害於宮中絕而復蘇潛出遠遁周派天

下備嘗險阻宣宗嘗為禪師默識龍顏待遇特厚留

塩官最久又宣宗嘗為光王光即楊州屬郡塩官

杭州屬縣皆接東海為商船往來之地方當懼禍

猶恐藏之不深故以遊覽山水為名隨商船渡海

時唐史未撰於唐室之事無由得詳但聞肅宗宣

皇帝時有祿山之乱未聞宣宗遭乱出奔之事誤

以宣宗皇帝為肅宗宣皇帝云又世傳忠宣王在

元有翰林學士從王遊者謂王曰嘗聞王之先出

於唐肅宗何所據耶肅宗自幼未嘗出閣祿山之

乱即位靈武何時東遊至有子乎王大慚不能對

閔漬從傍對曰此我國史誤書耳非肅宗乃遂至

宣宗也學士曰若宣宗久勞于外庶或然也

松嶽郡登鵠嶺南望曰此地必成都邑從者曰此
真八仙住處也抵摩訶岬養子洞寄宿寶育第見
兩女悅之請縫衣綻寶育認是中華貴人心謂果
符術士言即令長女應命纔踰闕鼻衄而出代以
辰義遂薦枕留期月

閔漬編年
或云一年

覺有娠臨別云我

是大唐貴姓與弓矢曰生男則與之果生男曰作
帝建後追尊寶育爲國祖元德大王其女辰義爲
貞和王后作帝建幼而聰睿神勇年五六問母曰
我父誰曰唐父蓋未知其名故耳及長才兼六藝
書射尤絕妙年十六母與以父所遺弓矢作帝建

大悅射之百發百中世謂神弓於是欲覲父寄商

艤行至海中雲霧晦暝舟不行三日舟中人卜曰

宜去高麗人

唐閼漬編年或云新羅金良貞奉使入唐因寄其船良貞夢白頭翁曰留高

麗人可得順風

作帝建執弓矢自投海下有巖石立其上

霧開風利船去如飛俄有一老翁拜曰我是西海

龍王每日晡有老狐作熾盛光如來像從空而下

羅列日月星辰於雲霧間吹螺擊鼓奏樂而來坐

此巖讀臃腫經則我頭痛甚聞郎君善射願除吾

害作帝建許諾

閼漬編年或云作帝建於巖邊見有一徑從其徑行一里許又有一

巖巖上復有一殿門戶洞開中有金字寫經處就視之筆點猶濕四顧無人作帝建就其坐操筆寫

經有女忽來前立作帝建謂是觀音現身驚起下
坐方將拜禮忽不見還就坐焉經良久其女復見
而言我是龍女累載爲經今猶未就幸即君善射
又能善馮欲留君助吾功德又欲除吾家難其難
則待七及期聞空中樂聲果有從西北來者作帝
日可知建疑是真佛不敢射翁復來曰正是老狐願勿復
疑作帝建撫弓撚箭候而射之應弦而墜果老狐
也翁大喜迎入宮謝曰賴郎君吾患已除欲報大
德將西入唐覲天子父乎富有七寶東還奉毋乎
曰吾所欲者王東土也翁曰王東土待君之子孫
三建必矣其他惟命作帝建聞其言知時命未至
猶豫未及答坐後有一老嫗戲曰何不嫌其女而

去作帝建乃悟請之翁以長女翥旻義妻之作帝
建賁七寶將還龍女曰父有楊杖與豚勝七寶盍
請之作帝建請還七寶願得楊杖與豚翁曰此二
物吾之神通然君有請敢不從乃加與豚於是乘
蓼艸載七寶與豚泛海倏到岸即昌陵窟前江岸
也白州正朝劉相晞等聞曰作帝建娶西海龍女
來實大慶也舉開貞鹽白四州江華喬桐河陰三
縣人爲築永安城營宮室龍女初來即往開州東
北山麓以銀盃掘地取水用之今開城大井是也
居一年豚不入牢乃語豚曰若此地不可居吾將

隨汝所之詰朝豚至松嶽南麓而卧遂營新第卽
康忠舊居也往來永安城而居者三十餘年龍女
嘗於松嶽新第寢室窓外鑿井從井中往還西海
龍宮卽廣明寺東上房北井也常與作帝建約曰
吾返龍宮時慎勿見否則不復來一日作帝建密
伺之龍女與少女入井俱化爲黃龍興五色雲異
之不敢言龍女還怒曰夫婦之道守信爲貴今既
背約我不能居此遂與少女復化龍入井不復還
作帝建晚居俗離山長岬寺常讀釋典而卒後追
尊爲懿祖景康大王龍女爲元昌王后元昌生四

男長曰龍建後改隆字文明是爲世祖貌魁偉美鬚髯器度宏大有并吞三韓之志嘗夢見一美八約爲室家後自松嶽往永安城道遇一女惟肖遂與爲婚不知所從來故世號夢夫人或云以其爲三韓之母遂姓韓氏是爲威肅王后世祖居松嶽舊第有年又欲創新第於其南卽延慶宮奉元殿基也時桐裏山祖師道詵入唐得一行地理法而還登白頭山至鵠嶺見世祖新構第曰種稌之地何種麻耶言訖而去夫人聞而以告世祖倒屣追之及見如舊識遂與登鵠嶺究山水之脉上觀天

文下察地數曰此地脉自壬方白頭山水毋木幹
 來落馬頭明堂君又水命宜從水之大數作字六
 六為三十六區則符應天地之大數明年必生聖
 子宜名曰王建因作實封題其外云謹奉書百拜
 獻書于未來統合三韓之主太原君子足下時唐
 僖宗乾符三年四月也世祖從其言築室以居是
 月威肅有娠生太祖復至請見曰見下應百六之
運生於天府名猛三季蒼生待君弘濟因告以出
師置陣地利天時之法望秩山川感通保佑之理
乾寧四年五月世祖薨于金城郡葬永安城江邊
石窟號曰昌陵以威肅王后合葬○實錄顯宗十
八年加上世祖謚曰元烈后曰惠思高
宗四十年加世祖曰敏惠后曰仁平
 李齊賢曰

金寬毅云聖骨將軍虎景生阿干康忠康忠生居士寶育是爲國祖元德大王寶育生女配唐貴姓而生懿祖懿祖生世祖世祖生太祖如其所言唐貴姓者於懿祖爲皇考寶育皇考之舅也而稱爲國祖何也又言太祖追尊三代祖考及其后妃考爲世祖威武大王母爲威肅王后祖爲懿祖景康大王祖母爲元昌王后曾祖母爲貞和王后曾祖母之父寶育爲國祖元德大王云略曾祖而書曾祖母之父謂之三代祖考何也按王氏宗族記云國祖太祖之曾祖也貞和國祖之妃也聖源錄云

寶育聖人者元德大王之外祖也以此觀之元德
大王是唐貴姓者之子而於懿祖爲考也貞和王
后寶育之外孫婦而於懿祖爲妣也其以寶育爲
國祖元德大王者誤矣又曰金寬毅云懿祖得唐
父所留弓矢涉海而遠覲然則其志深切矣龍王
問其所欲卽求東歸恐懿祖不如是也聖源錄云
昕康大王卽懿祖之妻龍女者平州人豆恩站角干
之女子也則與寬毅所記者異矣又曰金寬毅云
道說見世祖松嶺南第曰種稌之田何種麻也稌
之與王方言相類故太祖因姓王氏父在而子改

其姓天下豈有是理乎嗚呼其謂我太祖爲之乎
且太祖逮世祖仕弓裔裔之多疑忌太祖無故獨
以王爲姓豈非取禍之道乎謹按王氏宗族記國
祖姓王氏然則非至太祖始姓王也種稌之說不
亦誣哉又云懿祖世祖諱下字興太祖諱並同金
寬毅以開國之前俗尚淳朴意其或然故書之王
代曆懿祖通六藝書與射妙絕一時世祖少蘊器
局有雄據三韓之志豈不知祖考之名爲不可犯
而自以爲名且以名其子乎況太祖創業垂統動
法先王寧有不得已而恬於非禮之名乎竊謂新

羅之時其君稱麻立干其臣稱阿干大阿干至於
鄉里之民例以干連其名而呼之蓋相尊之辭也
阿干或作阿槃關餐以干槃餐三字其聲相近也
懿祖世祖諱下字亦與干槃餐之聲爲相近乃所
謂相尊之辭連其名而呼之者之轉也非其名也
太祖適以此字爲名好事者遂附會而爲之說曰
三世一名必王三韓蓋不足信也○麗史論曰金
永夫金寬毅皆毅宗朝臣也寬毅作編年通錄永
夫採而進之其劄子亦曰寬毅訪集諸家私蓄文
書其後閔漬作編年綱目亦因寬毅之說獨李齊

松京誌卷七

賢援據宗族記聖源錄斥其傳訛之謬齊賢一代名儒豈無所見而輕有議於時君世系乎其云肅宗宣宗者以唐書考之則肅宗自幼未嘗出閣果如元學士之言矣宣宗雖封光王唐史無藩王就封之制而其遭亂避禍之說亦是禪錄雜記二說皆無所據不足信也况龍女之事何其荒恠若是之甚耶太祖實錄乃政堂文學修國史黃周亮所撰也周亮仕太祖孫顯宗朝太祖時事耳目所及其於追贈據實書之以貞和爲國祖之配以爲三代而略無一語及於世傳之說寬毅乃毅宗時微

官且去太祖二百六十餘年豈可捨當時實錄而

信後代無稽雜出之書邪

增

康忠舊居

在松岳山下廣明寺洞事見編年通錄○原下同

永安城

在府西南四十里事見編年通錄

勃禦塹城

文獻備考云今歸仁門俗號菩提塹城○即皇城是也○增

高麗世祖

以松岳郡沙粲歸于弓裔裔大喜拜金城太守世

祖曰訖裔曰大王若欲王朝鮮肅慎卞韓之地莫

如先興松岳之地裔即使太祖築勃禦塹城仍為

城主時太祖年二十後裔自鐵原移都松嶽居三

年還都于鐵原

原同

卵山古城 在府西二十三里。土築周四千四百一十尺。高三十尺。今半頽圯。

開城廢縣 在城西二十五里。

首鵲山烽燧 在府西三十四里。東應城隍堂南。應神堂。

神堂烽燧 在府南三十六里。北應首鵲山。西應黃海道白川郡。夫毛里。

正陽宮顯宗二年契丹焚宮闕十二年重修大內改

上陽宮為正陽 原增合

延慶宮 在松岳下其正殿曰乾德宮或稱大觀南門曰廣化東曰東華西曰西華北曰玄武今

稱本大闕其闕庭謂之毬庭 原 ○顯宗九年壬子

生於延慶院改院為宮 ○李資謙之亂宮闕灰燼

仁宗移御是宮剪除資謙其後十六年始還新闕

○東文選延慶宮上樑文繫魏闕之震地有漢家

之離宮

據麗史及東文選則延慶似是離宮而原誌以為正宮金寬毅編年亦以為延慶宮

奉元殿可疑○增

壽昌宮

在西小門內

顯宗時宮闕焚燹移御是宮其後王

多御是宮我

太祖亦即位于是宮

今賴廢為府倉廩

許

探詩

扶蘇王氣欲沉淪仲父潛謀巧奪秦尚有童心窮逸樂豈知天意屬真人無情鳥語珠欄

曉滿目苔斑玉座春莫向前朝舊說摩挲銅狄會霑巾○原下同

麗正宮文宗祀太一於是宮以禳火災

館北宮毅宗嘗奪民家增加修飾作窟室築臺飾以

金玉窮極奢麗與宦者白善淵王允就置酒召李

公升縱飲唱和公升有句云功名富貴盡驅花下之三盃後見斥人以爲詩識

星北洞別宮本侍中金敦時私第毅宗以爲宮

安昌宮本侍中王冲第毅宗以爲宮

靜和宮本叅政金正純第毅宗以爲宮

連昌宮本平章庾弼第毅宗以爲宮

慶明宮毅宗以鄭誠第爲宮陰陽家以謂犬舉頭吠主之勢不宜臨御王不從

昌樂宮明宗爲崔忠獻所逼幽于是宮

德慈宮忠宣王率百官奉箋上尊號于太上王王衣

紫袍上王衣黃袍受賀時稱三韓盛事

延德宮李資謙犯闕仁宗出御是宮

明福宮景宗改黃州院爲明福

安壽宮睿宗改延平宮爲安壽

崇德宮

在由巖山麓

睿宗改長慶宮爲崇德

和平宮明宗所御

興盛宮宣宗舊宅

元禧宮宣宗改興慶院爲元禧

保寧宮宣宗改崇慶宮爲保寧

壽德宮毅宗所建有殿曰天寧

堤上宮○景禧宮○義昌宮○玄德宮

八仙宮

在松嶽山頂

李穡詩

石路紫回到上頭八仙宮觀俯神州

福源宮

在王府之內繪三清像

和門內增睿宗毅宗嘗親醮于

是宮

原

大明宮文宗建此為別宮後為順天館

增下同

左春宮

在會慶殿東春德門內

世子既冠而後居之

右春宮

在昇平門西

王之姊妹諸女居之

德壽宮我

太祖在上王時所御

續亦同

仁壽府我

太宗封世子後所御

會慶殿

在松岳下即麗朝正殿○圖經會慶殿在閭閻門內基址高五丈常禮不敢居惟受詔拜

表於此又曰九殿
仁宗時為李資謙所焚後重建

改名宣慶恭愍王時經紅賊之亂不復建○滿月

臺會慶殿基○按麗史有稱望月臺者蓋宮內之一臺南秋江孝溫松京錄亦以此為望月臺俗

滿聲近而誤耶○增我肅廟御製詩繁華氣

像漠然衰千載空餘麥秀基欲識古今興喪處須

將伊訓玩心思○英廟御製詩舊都物色漠然衰

只有月臺廣一基追惟往年創業歲山川景色感

予思○許琛詩操雞搏鴨已雄飛一炬秦宮舊業微天下董公元自健輦前荷紹竟

何歸假威不恤窺神器蹈尾方知觸駭機蘇世讓

詩遠客重尋滿月臺松聲蕭瑟轉生哀冥冥獨鳥

懷還付紫霞孟憲君莫問當安琛詩五百年前跡

時事落日殘城恨未裁○續安琛詩已塵松山蒼

翠幾回新苔封輦路樵成迺雨灑毬庭草自春後

殿笙歌今寂莫東池舟楫久沉淪悠悠往事憑誰

問臺上惟成俛詩未閒風匹馬松山鳴澗谷淨雲依

餘月一輪成俛詩未閒風匹馬松山鳴澗谷淨雲依

舊鎖峯巒千年文物夕陽裏一代衣冠春夢徐敬

間五百年繁華何處問殿臺無主野花斑○原徐敬

德詩廢闕外青山數物逐時興職地靈攬景月臺詩愧

短尋僧霞洞骨嫵腥講歡終成守琛詩山園故國歲

日人無情能樂何嘗坐豫冥成守琛詩山園故國歲

月相催陵谷移滿目秋默思前事使人愁衣冠第斜

暉○木落霜清滿目秋默思前事使人愁衣冠第斜

宅今安在風雨李珣詩冰鎖寒烟雲根只是前朝

空山谿一邱李珣詩冰鎖寒烟雲根只是前朝

物碧砌依山幾百年○客懷惆悵立黃昏故堞婁

涼野雀喧滿月臺前黃薺合當時輦路已無痕

高敬命詩獨來坐松下誰與問前朝樹老風常咽

高敬命詩臺空雪自消鹿驚城堞雉出廢園燒

郭外寺猶在	李達詩	前朝臺殿草烟深落日牛羊
孤僧渡石橋	下夕陰同是等閒亾國也笑	
看黃葉滿	洪迪詩	玉樹歌聲盡松都霸業零臺荒
鷄林	○續	滿月石老舊瞻星世變皆起
忽衣冠已杳冥相逢	車天輅詩	傳鴨雄圖五百年
遼柱鶴駐馬吊棟荆		
王孫渾入荒臺草霸業空餘古木烟遼柱鶴歸明		
月下蜀峯鶯啼落花前愁來扣劍興亡地爲爾商		
歌一帳	車雲輅詩	不堪塵迹逐流年愁對崧山吹
然○原		
落古權韞詩	繁華無迹有山河觸目其如感慨何	
臺邊		
宮鳥愛啄金盤露野鳥能吟玉樹歌瘦馬獨來遲		
獨去不堪斜日照銅駝○登臨忽覺意淒淒興廢		
人間事不齊宮樹有霜秋葉落王城無堞暮烟低		
可憐螭陛成樵路誰遣龍池作稻畦此地繁華君		
莫問至今猶	鄭弘溟詩	故都風物尚依然一夢繁
見夜烏啼		
甲滿園春色染苔錢傷心輦路迷荒薺極目村金		
墟鎖晚烟莫謾題詩吊古昔不妨沈醉作閑眠		

昌協詩

故都三月草茸茸
樵牧行歌處
逢搏鴨
操鷄空一統
飛龍舞鳳
尚千峯
誰人欲駐

東流水是處還凋北嶺松
愁絕金昌翕詩
蒼山無
永嘉詩上語暮烟殘郭復踈鍾

遭宿物何能更作豪堂陸初因千乘設池臺足見
庶民勞螢飛輦路秋烟冷鹿下越庭夜月高已足
寂寥猶有事牧金韶夏詩
問爾中天月清秋幾度
樵人遇挈壺曹

荒臺重九良辰屆半千往迹
崔成大詩
賭夢裙疑
哀明光誰與伴我亦為停盃
崔成大詩
緝女紅為

君歌屬負薪翁
祭田僧過生真主花苑兵來縛侍
中利塔詐資恭
陰福樓鍾謾記亦憐功荒臺落日

空愁思春草茫茫遍舊宮
秋風起天壽門前落悲遺
民聽罷泣垂垂
索馳橋上秋風起天壽門前落悲遺

時尺木詭能扶大厦
靈根空遣植千枝
興亡迭代
渾漫事畢竟辛壬
辨是誰○麗王遺迹只荒臺荆

棘叢中野卉開何處元妃洗粧閣
月如春鏡苑東
來○崧陽兒女哭如歌
千古興亡奈爾何
曾上皋

蘭吊百濟義慈
吳遂采詩
輦路野
花開空山千古

遺業亦空波
慈
吳遂采詩
輦路野
花開空山千古

無情水穿過
宮牆寂莫來
尹塾詩
五百年終飛鳥過當時文物

木遺民耕盡
花亂石堆碧
門空山月一
哭亂石堆碧
萬王氣冷如
灰春歸故國
花千樹陽

同而今域內
有南樓畫角
良平節獨
○毬庭
在滿月臺下
神

有一水自廣
滿目臺及毬
庭原誌載於
延慶宮下而
不若為會

慶殿基之分
移錄于此○
增下同

乾德殿在會
之西北
仁宗改為大
觀盖朝見宴
會之所

長和殿在會
地勢高峻之
後

元德殿在長
地勢益高之
後

萬齡殿在乾
之德
盖寢室也姬
嬪侍女於兩
廡列室而

環居

長齡殿

在乾德東紫門內仁宗改名奉元

延英殿

在長齡之北王於此親試進士○本名紫宸殿顯

宗改為景德又改為延英仁宗改為集賢

慈和殿

在英延之北仁宗改為集禧

長慶殿

○重光殿○宣政殿長慶重光即便殿宣政即外朝仁宗改

重光為康安宣政為薰仁

文德殿顯宗改文功殿為文德仁宗改為修文殿恭

愍王置修文殿學士蓋秘閣也

天福殿或設道場或宴羣臣或迎金宋使

原下

乾化殿穆宗有疾設祈禱道場
長生殿光宗嘗宴羣臣於是殿

詳政殿成宗所御穆宗時災

思賢殿成宗日南至嘗御是殿受羣臣朝

天成殿穆宗朝震殿鴟吻

天寧殿毅宗宴羣臣

觀樂殿八關燃燈時所御

含慶殿仁宗改名向福

萬寶殿仁宗改玄德殿爲萬寶

肅和殿仁宗改正陽殿爲肅和

延康殿

初號中和殿

○崇文殿

在大明宮

○和平殿

在壽昌宮

○祥

和殿

初號雍和

元和殿○長春殿○宣德殿○純福殿○明仁殿○

寬仁殿○重華殿

昭格殿

在宮城北即福源宮內三清殿○原增合

八角殿

在花園中

恭愍王立二層八角殿周植花卉以為

燕遊之所○尹紹宗詩

季年花石賞終古鼎湖情仙露泣華草天香留玉英

蘭莖春色薄桂殿夕陽明

恨金貴榮詩花園猶帶

不養松栢玄穹誰挂傾○原

金貴榮詩花園猶帶

基蒼莖動客思殘壘荒原餘古蹟破垣遺礎只空

征旅問暫停李憲國詩故國平居不盡悲况逢佳

日王莽空餘麥秀基岳色連雲迷故堞笛聲危車
雨弄村兒離進莫問前朝事舊恨新愁入酒

天輅詩七廟邱墟八角塵青山寂莫枕城闌莓苔
衰積千門地花柳粧成萬戶春一揀雲烟

悲故國百年歌舞樂開人漢國唐
苑俱蕪沒謾遣詩豪得句新○續

景靈殿在毬庭傍近奉安太祖及四親之真太祖則不遷

四親則遞正朝端午秋夕重九親奠于此增下同

孝思觀在奉恩寺太祖真殿恭愍王改爲景命殿

仁熙殿恭愍王爲魯國公主建影殿于王輪寺東岡

狹小其地後移于馬巖之西窮極奢麗

惠明殿辛禡立恭愍王影殿于王輪寺西號曰惠明

以順靜王后韓氏配享魯國公主祭于別室

積慶園恭讓王追尊四代考妣立祠于成均館西號

曰積慶園其祭儀與景靈殿同

廣化門

原誌云正殿南門曰廣化門正東通長衢據今所傳廣

化遺址在兵部橋西而向東則其為內城之東門無疑原誌以為殿之南門似誤

昇平門

在廣化門內王宮之正南門。麗史動駕儀出宮還宮羣臣皆於昇平門外上下馬

神鳳門

在昇平門內殿門十五棟鳳最華。仁宗改為儀鳳

閶闔門

在神鳳門內

會慶殿門

自閶闔門去會慶殿門不過數丈門在山之半石梯道高可五丈正殿之門也

西華門

在北辰橋西

洪忠平公取義碑

金載略曰按麗史

仁宗四年李資謙與拓俊京叛夜斫神鳳門逼王

急時公以左僕射直都省聞變縋城入侍王不離
側已而資謙焚宮室遷王南宮王與公及將軍吳
卓步至西華纔出門賊殺卓遂及公公當刃直前
而死之後資謙敗錄公報國勲贈太尉門下侍郎
謚忠平君子謂西華之變慘於青城公之忠贗於
嵇侍中云公諱灌字無黨號靜軒肅宗時登科選
入史館睿宗立以儒術爲王柄用國子則自司業
進祭酒御史則以雜端轉中丞出爲東西面兵馬
使入拜文德清謙寶文諸學士陞太學士嘗爲禮
部尚書兼知貢舉以左僕射遇西華之禍公在經

幄則闡明訓謨引君當道得格心之本處館閣則
大冊高文黼黻皇猷鳴國家之盛掌選舉而鑑別
甚明麗朝得人之盛最稱是時筆藝之工亦入三
昧大爲中朝人所賞此公踐歷材德之雜出史乘
者至若西華一死卽公全忠大節有可以與日星
爭光矣重峯趙先生叙歷代忠臣曰在前朝惟洪
忠平鄭文忠二人而已噫忠平倡于前文忠繼於
後使勝國五百年生氣賴而不死為天下人臣之
準而重峯一言可徵百代嗚呼躋矣公死于西華
而西華之名于世蓋以公死也古所謂地以人重

者非歟

園邱

在會寬門外郊祀之地○原

太廟

在花園東○高麗太廟○原

○花園東有太廟洞崇仁門外

又有太廟墟按麗史太廟在崇仁門外自始至終

未有改也圖經亦云祖廟在國東門外文獻備考

云我太祖元年上親享宗廟註云松京宗廟成均

博士率諸生進歌謠三篇其三曰新廟美立廟

親祀也其後四年漢京太廟始成據此花園東

太廟恐是本朝開國初太廟而今不可考增

瞻星臺

在滿月臺西○原下同

九曜堂

醺星處

李齊賢詩

溪水潺湲石逕斜
庭前樹春無葉盡
人家庭前卧樹春無葉盡似

日山蜂咽草花○夢罷虛窓月半斜
認僧家無端午夜東風惡南澗朝來幾
幾花

威鳳樓高麗太祖至自百濟御是樓受文武百官朝

賀

儀鳳樓

初名神鳳後改是名即神鳳門樓

凡祀太廟燃燈會八關會

擊毬戲皆御是樓揭鷄竿大赦或飯僧數萬或賜

中外大醺

紗樓肅宗御樓賦重光殿玉玫瑰花詩召詞臣和進

○睿宗御樓召文臣五十六人刻燭賦牡丹詩六

韻注簿安寶麟為第一時康日用以能詩鳴王竑

觀其作燭將盡日用纔得一縣頭白醉翁看殿後
眼明儒老倚欄邊袖其藁伏御溝中王命小黃門
取視嗟賞不已曰此古人所謂白頭花鈿滿面不
如西施半粧慰諭而遣之

宜春樓

後改名
龍輝

涼樓忠烈王每御樓觀擊毬

觀祥樓

初號
望雲

解愠樓

在梨井里興國寺
東遺址今為民家

陽和樓

在長源
亭側

睿宗詩

西出都門勝地隅萬重宮闕
杭州芳菲野色斜簾幕浩

夢烟波送舳舻昨日文章爭唱和今朝歌吹
作歡娛詩中未盡千般景數幅飲綃命出圖郭輿

和曰象闕西南百里隅法宮高起藉江湖鰲擎金翠雲中閣人在滄浪月下爐物覩盡傾千載

德河清長應萬年娛誰能用

臨川閣在會慶殿西其中藏書數萬卷

寶文閣在慈和殿前以奉累聖所賜詔書初高麗仁宗改延英殿

為集賢殿選置文學之士我定宗元年大司憲

趙瑑請留置書籍令文臣之帶館閣者更日會論

經義備顧問上從之以趙浚權仲和趙瑑權近

為提調官文官五品以下充校理七品以下充說

書正字改集賢殿為寶文閣續

清讌閣在寶文之西以藏諸史子集三閣鼎峙清讌為壯麗增睿宗以洪灌為

學士鄭克恭爲直學士尹諧爲直閣講論經史寵
遇無比○高麗金緣記王以聰明淵懿篤實輝光
之德崇尚儒術樂慕華風故於大內之側延英書
殿之北慈和之南別創寶文清讌二閣一以奉聖
宋皇帝御製詔勅書畫揭爲訓則必拜稽肅容然
後仰觀之一以集周孔軻雄以來古今文書日與
老師宿儒討論敷暢先王之道蔽焉修焉息焉遊
焉不出一堂之上而三綱五常之教性命道德之
理充溢乎四履之間越今年丁酉夏四月甲戌有
二日特召守太傅尚書令帶方公臣輔守太傅尚

書令太原公臣倬守太保齊安侯臣偁守太保通
義侯臣僑守太保樂浪侯臣景庸門下侍郎臣資
謙臣緣中書侍郎臣仲璋叅知政事臣駿守司空
臣至和樞密院使臣軌知樞密院使臣宇之同知
樞密院事臣安仁等置酒高會于清讌閣乃從容
謂曰予顧德不類賴天降康廟社儲祉金革偃於
三邊文軌同於中夏凡立政造事大小云爲罔不
咨稟崇寧大觀以來施設注措之方其於文閣經
筵永訪儒雅遵宣和之制也深堂密席迎見輔臣
法大清之宴也雖禮有豐殺而優賢尚能之意則

其致一也今入朝進貢使資諒賚桂香御酒龍鳳
茗園珍果寶皿來歸嘉與卿等樂斯盛美臣僚惶
駭恐懼退伏階陛辭以固陋不敢干盛禮王趣令
就坐溫顏以待之備物以享之其供帳之設器皿
之列觴豆之實果核之品則六尚之名珍四方之
義味無一不具復有上國玻璃瑪瑙翡翠犀兕瑰
竒玩用之物交錯於案上塤箎控楊琴瑟鍾磬安
樂雅正之聲合奏於堂下王執爵命近臣監勸曰
君臣交際惟以至誠其各盡量不辭而飲左右再
拜告旨而卒爵或獻或酬和樂孔諧及觴酒九行

且令退息續有中貴人押賜襲衣寶帶以將其厚
意焉既而復召促席而坐使飲食舉措各自便或
開懷以言笑或縱目以觀覽欄楯之外疊石成山
庭除之際引水爲沼嶠峯萬狀清渟四澈洞庭吳
會幽勝之趣生而終宴無憚暑之意盡醉劇飲夜
艾而罷於是搢紳士大夫舉欣欣然有喜色而相
告曰吾王以慈儉爲寶而無肆溢之行衣不御文
繡器不用雕鏤猶慮一夫之不得所一事之不合
度每日焦勞惻怛於宵旰之中至於燕羣臣嘉賓
則發內府之寶藏傾上國之異恩而窮日之力以

火繼之猶不以為侈其尊賢重禮好善忘勢之心
實可謂高出百王之上矣臣嘗聞昔魯公用天子
禮樂以化成風俗故於泮宮則先生君子與之爲
樂其詩曰魯侯戾止在泮飲酒既飲旨酒永錫難
老燕於路寢則大夫庶士與之相宜其詩曰魯侯
燕喜宜大夫庶士邦國是有既多受祉今吾君奉
天子恩意以寵待臣鄰故公卿大夫懷天保報上
之意言語法從賦我有嘉賓之詩瞽師歌工作君
臣相悅之樂懽忻交通禮儀卒度當斯時也人靈
之和氣天地之休應上下之施報風俗之化原皆

出於飲食衍衍載色載笑之間豈止永錫難老既多受祉而已耶必當億萬斯年享太平之福而對揚天子永永無疆之休臣愚且拙遭逢萬幸代匱宰府不以臣之不材特有書事之命辭不獲已謹

拜手稽首而強為記原○錢謙益送劉編修鴻訓

頒詔朝鮮詩寶文清謙集襟裾飛閣臨川類石渠試按圖經問遺跡輜軒莫忘訪遺書

增○

賞春亭在宮苑文宗宣宗肅宗睿宗皆有賞花詩○李

詹詩良日夕和風至花木含妍姿登臨極遠目雅致

表浩然忘所之彷徨感前古此亭空遺基盛美今不見致此何人斯興衰亦偶爾傷春易生悲○原

山呼亭

在宮苑

李資謙之亂王避火山呼亭

增○李奎報云山呼

亭有牧丹盛開賦者多至百人○原

賞花亭

在宮苑

李資謙之亂宮禁焚蕩惟山呼賞春賞

花三亭僅存

增

玉燭亭

在宮苑○原

文宗召宋進士慎修等賦詩於此

增

萬壽亭

在壽昌宮北園

宦者尹彥文聚恠石築假山構小亭

以黃綾被壁窮極奢侈

原下同

太平亭毅宗於闕東壞民家五十餘區作是亭命太

子書額傍植名花異果奇麗珍玩之物布列左右

亭南鑿池作觀瀾亭北構養恬亭皆蓋以青瓦又

磨玉石築歡喜義成二臺聚恠石作仙山引遠水
爲飛泉窮極奢麗

延福亭

在東大門外
山臺巖下

毅宗聞城東沙川龍淵寺南有

石壁數仞削立臨川曰虎巖流水渟瀦樹木蓊蔚
命內侍李唐柱等構亭其側名曰延福奇花異草
列植四隅以水淺不可舟築堤爲湖日泛舟酣宴
徹夜不止羣臣皆大醉插花倒載而還或沉醉忘
歸衛士甚怨卒致鄭仲夫之難○高麗任奎詩

誰勸

君臣入醉鄉不知禍自在蕭牆酣歌未闌瓊樓上
醒血交流輦道傍煬帝汴河秋冷落明皇蜀道雨

婁涼當時此恨無人
識滿目溪山淚數行李奎報詩憶昔明皇遊幸日
龍舟錦纜傍江湖

勸歡仙妓回眸笑被酒詞臣倒屣扶自古窮奢難
遠馭幾人懷舊發長吁頽堤不見滄濤拍棹道渾
成碧草蕪羅綺飄雲共散笙歌換作鳥
相呼箇中殷鑒分明在莫遺遺基掃地無

鍾閣

于不知的在何處而俗傳古鍾埋

武陵亭

在府南二十里

清心亭我

太宗嘗講書于此

西郊亭

在宣義門外五里許人使之往來迎勞錢飲於此○增下同

碧瀾亭

在禮成港岸次距王城三十里亭有二西曰右碧瀾亭以恭詔警東曰左碧瀾亭以待使

副

政丞院

在慈恩寺側
勞軍橋北

金溥來降太祖封為政丞以長

女樂浪公主妻之賜宮東一區為宅後稱為政丞

院原下

天壽院

在城東卽天壽寺古址

成化丙申留守李芮構亭於院

傍吹笛峯下仍記之曰余嘗聞高麗舍人崔斯立

有詩云天壽門前柳絮飛一壺來待故人歸眼穿

落日長程畔多少行人近却非竊以謂天壽門是

高麗五百年迎賓送客之地也成化甲午余畱守

于茲見所謂天壽門者只有遺址爲榛莽瓦礫之

聚府之人猶踵故事就西峯除地爲臺有大賓客

則必於此而送迎焉余一日送客于此登高望遠

試問其處則曰吹笛峯也乃知高麗全盛時士大

夫相與送迎于此而遊行焉因恠一代人物之所
會冠蓋車馬之所趨何無亭榭臺閣之勝斯立所
謂天壽門者亦不知其何處也蓋自聖朝定鼎
于漢陽幾九十載人物之南遷年代之久遠雖有
池臺亭榭其頽廢蕪沒宜無恠乎余之所恠者矣
於是弭節訪古徘徊移日院主康龜壽進言曰儂
父子相繼爲院主具悉興廢之由天壽寺是前朝
之大剎也世傳千宇萬間今遺址如掃皆爲田隴
所存者只行旅投宿之小院耳舊有高樓數楹在
南亦頽盡無餘謹葺舊材以待重構但力微事巨

志無由遂余於院主之言益有感焉僚佐共曰國
家於此院置主給田盖無忘賓旅之意也以舊都
大府賓客之繁迎送之際必于此地則藉野草開
帳幕其轉輸之勞不貲或值雨雪賓主遑遑無以
爲禮况府西則有迎賓普通之院而東獨無有豈
非一欠遂相與畫謀因龜壽所藏之林而助其不
給倩遊手輩作小亭于峯下松樹之間既訖工僭
僚佐以登賞四顧開豁一望遼濶達山集於前長
川繞於下道途之逶迤人馬之去來落照晚景果
如斯立之詩矣天壽因斯立詩而顯茲亭亦並傳

於無窮則斯立之詩又不可泯也和其詩者不爲
不多今之傳誦者獨有洪侍中彥博之二詩書諸
板尾使後之登臨者知斯立之所以作而樂和之
典守者知斯亭之不可廢而隨壞隨補以無棄前
功則亭也詩也將永傳於不朽而爲西都之勝蹟
矣○李仁老破閒集云都門百步連峯起於後平
川瀉於前野桂數百株挾路成陰行道者必憇息
於其下輪蹄闐咽漁歌樵笛之聲不絕而丹樓碧
閣半出於松杉烟靄之間公子王孫攜珠翠引笙
歌迎餞必於此睿王朝畫手李寧爲其圖付宋商

後王求名畫於宋得一美畫而來李寧曰此臣所

畫天壽寺南門圖也○高麗康日用欲賦驚鵲每

冒雨至天壽寺南溪觀之一日忽得一句云飛割

碧山腰自喜曰能到古人不到處○李仁老詩送客

客未到尋僧亦無惟李奎報詩連天草色碧烟

餘林外鳥終日勸提壺李奎報詩昏滿地梨花白

雪繁此是年年誰別洪彥博和崔斯立詩綠乳鴉

處不因送客亦銷魂洪彥博和崔斯立詩綠乳鴉

飛滿路清陰信馬歸二年非成任詩繁華事散野

名將底用回頭五十二年非成任詩繁華事散野

情去不歸詩句尚留迎金守溫詩飛羸得都人指

送地市朝人物已全非金守溫詩飛羸得都人指

點歸却似千年遼鶴李承召詩亭下清江白鳥飛

喉山川如舊昔人非李承召詩亭下清江白鳥飛

百年強半愁城裏推車天輅詩石橋南路掛屨顏

有醉鄉無是非○原車天輅詩石橋南路掛屨顏

桃花逸旦晴沙上竹葉離樽古柳間極目數行低
去鴈斷腸三疊唱陽關昔人過鳥今何在風月無

情覺自
閑○續

藥王院
在進鳳山下
○原下同

大悲院
在西補國寺傍忠肅王時僧嵩仙勸王剏院聚城中

病人救藥贍衣食
按龍崗山南有大悲峴疑因此得名

磨前院
在青石洞南

注波院
在城南

西普通院
在土城永平門外

南溪院即開國寺南路也前有雙竚立石及長明燈

石

世傳遼使

後親驛

在城西二十里

世傳遼使後親死於此故因名焉

惠民署

在南大門外通達有層閣

活人署

在訥里門外一里許

司圃署

在保定門外即開國寺古基

蜚雲觀

在永福里

都評議使司

在花園東今稱合坐洞

鄭道傳記洪武二十二年

十二月丙午殿下命臣道傳曰都評議使實予相

臣左右我寡躬者也當政之始而使司廳適成爾

宜記其顛末明示後世臣道傳拜手稽首而言曰

國家置門下府掌理典三司掌錢穀密直掌軍旅

各司其職有大事則會三府以議之謂之都評議
使司因事置罷蓋周禮官縣之遺意也近來使司
專總衆職常置不罷其職任禮秩固已重於百僚
矣而無定署至是新作署宇門下贊成事臣禹仁
烈評理臣僕長壽臣金南得政堂文學臣金湊同
知密直司事臣柳和簽書密直司事臣李恬慈惠
府尹臣俞光祐實董其役焉凡削材塲瓦皆役雇
直之徒而督勤工繕經營於旬月之間民不知勞
其巍然而據于中者曰使司廳翼然而拱于左右
者曰首領官廳首領官卽古卿士之職也承以廊

麻繚以垣墻以至庖厨府藏無不周完矣殿下始

以門下侍中臣沈德符守門下侍郎臣李

我太祖

爲

判事三司則判事臣王安德以下門下則贊成事

臣鄭夢周以下爲同判事密直則判事臣金士安

以下爲使正其名稱使同之任益重矣唐以他官

帶同平章事者得爲宰相卽其制也臣道傳亦濫

以庸疎同判使司而命臣以記文臣不敏何足以

言哉語曰能迨取譬臣請卽此廳而言之堂宇譬

則君也樑棟譬則相也基譬則民也基當堅厚樑

棟當安峙然後堂宇得以固緻矣樑棟上以承其

字下以藉其基猶宰相奉君父而撫民庶也書
臣爲上爲德爲下爲民此之謂也入此廳者視其
宇思所以奉吾君視其基思所以厚吾民視其楹
棟思所以稱吾職可也古之善相天子者有若臯
夔房杜其在列國有若叔向公孫僑皆名相也雖
有天子列國之殊所以順天時遂生民奉君上理
庶官則其職一也臯夔不可尚已房以謀杜以斷
叔向以直公孫僑以惠蓋非謀事不集非斷事不
成非直民不服非惠民不懷若數子者亦善其職
矣然猶有所未盡也必若先儒真西山之論相業

曰格君曰正已曰知人曰處事然後可也夫格君者亦自正而已身既正矣須有知人之明處事之才乃可濟也幸今國祚中興明良相遇上以誠待下下以誠事上此東方一盛際也爲相臣者宜各自勉以副登庸之意則使司之設其庶幾矣於是乎記

太常寺

在梨峴西

軍器監

在梨井里

前朝時多藏石硫黃至今土化硫黃其東爲政丞洞在內東大門之內麗時名公鉅卿多

居於此

國子監

在太平館北
增下同

將作監

在勞軍
橋北

征東省

在佛恩
洞南

元至元間以征日本命高麗王置省

典軍興之務後復遣官以中國之法治之至恭愍朝上表曰比來省官皆托婦寺濫受朝命擅作威福願自今革去

迎賓館

在干正
門外

高麗顯宗置迎賓會仙二館以待諸

國使臣

原

順天館

在炭峴門內今成
均館卽其舊基

高麗文宗建此以爲別宮

名曰大明自元豐朝貢之後無以待中朝人使故

改爲館而以順天名之後改爲崇文殿又改爲崇

文館

增

九齋學堂

在紫霞洞口

高麗顯宗以後干戈纔息未遑文

教文憲公崔冲收召後進教誨不倦學徒全集遂
分九齋曰樂聖大中誠明敬業造道寧性進德大
和待聘謂之侍中崔公徒凡應舉者必詣徒中學
焉及冲沒後凡赴舉者亦皆隸名九齋籍中謂之
文憲公徒又有儒臣立徒者十一弘文公徒侍中
鄭倍傑一稱熊川徒匡憲公徒叅政盧朝南山徒
祭酒金尚賓西園徒僕射金無滯文忠公徒侍郎

殷鼎良慎公徒平章金義珍一云郎中朴明保貞
敬公徒平章黃瑩忠平公徒柳監貞憲公徒侍中

文正徐侍郎徒徐碩龜山徒未知為何人世稱十

二徒冲徒爲盛東方學校之興盖由冲始謂海東

孔子

原

○遺墟碑

洪良浩撰

略曰東方學校之興由先

生始世稱海東夫子先生諱冲字浩然生於高麗
成宗丙戌在中國宋太宗雍熙三年也于時周程
諸賢未出孔孟之道未明於天下而先生奮起海
外獨以斯文爲任其名九齋如誠明率性出於中
庸之訓則表章中庸先於程子而傳道之功暗合

於千載之下嗚呼盛哉麗訖而國遷文獻無徵微
言精義未有所傳壇齋遺墟蕪沒於荒田之中斷
礎零落尚有存者樵兒牧叟指點咨嗟今海州崔
君永壽以先生裔孫倡多士將立石于舊址來請
辭於余不佞嘗持節海西拜文憲書院述九齋記
揭于壁蓋海州之九齋則先生家塾也紫霞之九
齋卽仕于開城時所建也於今八百餘年泯而復
彰豈惟多士慕賢之誠抑由國家文明之化無遠
而不顯歟銘曰松嶽巖巖紫霞騰光有斐宏儒奮
起箕方九齋絃歌厥聲洋洋需于王國蔚然其章

世遠跡湮遺風未亡鳥啼水流草木餘香

中和堂

在紫霞洞洞有小瀑雙垂石壁如屏名爲水落巖上有堂基。原。南。秋。江。錄。有一。老。父。

自言家在中和堂舊基請爲前導入一祠左視王輪寺而有堂基堂上小峯後有洞曰墨寺。按。秋。

江錄如此而今俗傳中和堂田在王麗相蔡洪哲輪寺東則其爲在紫霞洞者誤。增。

邀權溥以下國老八人爲耆英會於此自製紫霞

新曲令家婢歌之曰家在崧山紫霞洞雲烟相接

中和堂喜聞今日耆英會來獻一盃延壽漿蓋托

紫霞仙人來壽之辭也今傳樂府○權溥詩

月色團酒盈金盞却天寒紫泉曹繼芳詩

一曲人如玉紅燭花殘夜未闌

天羽衣仙樂列尊前若將勝事

東山齋

在城東一云寶鳳山頂有遺址云

高麗睿宗時郭興固求退

居賜城東若頭山

即寶鳳山舊名

一峯構室以居號東山

處士名其堂曰虛靜齋曰養志親書額賜之一日

王微行至山齋輿適入城王徘徊久之賦何處難

忘酒一篇題壁而還

詞曰何處難忘酒尋真不遇

方丈無人守仙扉盡日開園鶯啼老樹庭鷓鴣啼蒼

苔道味誰同話先生去不來深思感慨回首重

徘徊把筆留題壁攀欄下薰風入殿限此多態一度觸

絕塵埃暑氣滿林下薰風入殿限此多態一度觸

慮滌何武○興和云何處難忘酒虛經寶輦田朱

門追小宴丹龜落寒灰鄉飲通宵罷天門待曉明

杖還蓬島運履惹洛城苔樹下青童語人間玉帝

來鰲宮多寂寞龍馭久徘徊有意仍抽華無入玉帝

上臺未能瞻日月却恨向塵埃搔首立階下含

愁倚石限此時無一盡豈慰寸心哉○原增合

竹林堂

在花園東李齊賢第今有遺砌水鐵洞又有公第○原○本朝正宗癸丑前僉使金始

泳宅其墟府人有爲留後營生祠堂者請以厚價易之始泳不許曰此先賢遺墟吾雖貧不可貨也議遂寢巖底有遺井石甃宛然遺墟碑記先生諱齊賢字仲思仕

高麗歷事五朝官至門下侍中鷄林府院君謚文

忠公嗚呼先生德業文章煊炳一世而八年攝國

上下賴安昭載國乘播人耳目宜其百世之下人

之不能忘也遺址在松京子男山東世所稱竹林

堂舊基是也迄今四百餘年村人野老猶爲指點

况在後昆安得無桑梓之感乎不肖適尹茲土謹

豎石以標之府南水鐵洞又有遺址見於地誌而

今無以的知其處茲庸附識于此云

十五代孫鎮宅記○續

姜邯贊第○安裕第○李穡第○韓脩第

以上四賢第俱在良

○醞原遺墟碑文

許穆撰

按麗史本傳文成公諱裕嶺

南順興人初仕元宗世歷事三王爵至都僉議中

贊修文殿太學士麗俗尊事浮屠學校衰廢乃建

議增學錢入中國求五聖十哲諸子圖像以祀之

修祭器禮樂之物具經史諸子百家書薦文學之

士李愔李瑱掌經史教授於是禁內學館內侍五

庫學士七館十二徒諸生皆學焉學校之興於斯

為盛卒謚文成後忠肅六年從祀文宣廟興地開

京古蹟姜仁憲公邯贊安文成公裕李文靖公稽
韓文敬公脩古宅在良醞洞云今太平館西國子
監下既世遠父老傳說亦不傳猶指言良醞洞而
已今有安苗裔前善山府使應昌立閭巷碑於街

口盤石上續

李奎報第

在鶯溪
原下同

權溥第

在太平館里
有遺墟碑

韓渥第

在花園東後為合坐司公官至僉議政
承性謹慎有器局配享忠惠王廟○續

鄭夢周第

在花園北松陽書院即其
舊基院東有遺墟碑○原

金九容第

在龍崗山書齋洞○原○號惕若齋好學
謹詞章辛禍時以行禮使往遼東蓋禍為

人所給遣九客私謝遼東也遼東諸將以為人臣
義無私交執送京師帝命流大理衛至瀘州病

卒。積。

金濤第

在蘿菑山有遺墟碑。原。辛。禍。五。年。楊。伯。淵。之。獄。辭。連。濤。被。逮。拷。掠。甚。酷。絕。而。復。蘇。遂。

誣服殺之梟首門生十餘人護其屍有李悰者抱屍入川洗其血鮮衣衣之裹以簞網其首而懸之

再拜遺墟碑陰記嗚呼松都蘿菑山下八字洞寔

我先祖考高麗密直提學公所居之里公姓金系

出延安諱濤字長源號蘿菑山人少遊於牧隱李

先生之門以文章節行名當世恭愍朝擢高第洪

武四年以右正言選入皇朝中制科授東昌府

丞及還本朝歷踐華顯官止密直提學恭愍嘗手

書蘿菑山人金濤長源八大字寵賜焉牧隱先生
述上札贊盛加補揚一時名流咸為詩以頌美之
時人仍名其所居里曰八字洞舊傳公墓在蘿菑
西距十里許德達洞而今失其處顧此八字洞之
名又將泯滅十一代孫相元適忝居留于本府與
宗弟海西觀察使相玉相議豎石于蘿菑之下以
壽其傳仍略記創名之由書于石陰俾後來知之
焉

續

閑齋第

在南都郭莊里俗稱本宮即我

驥興府院君第元敬王后誕降之所

太宗國舅

○舊有遺墟碑留守碑閣記

吳翰源又立碑建閣

碑閣記

元敬王后閑氏

太宗恭定大王坤極而誕降於驪興府院君本第
卽此地也伏惟皇天眷命翟儀配尊盛德陰功協
贊龍飛之會綿嘏第祿篤膺麟趾之慶實啓我萬
億年 宗社無疆之休原始溯本夫豈偶然也哉
寶鼎既定貴戚世家亦隨而南本第則墟落空曠
今直爲樵牧之藪亂礎層砌略可辨其遺基而舊
有短碑載沙麓之祥乃府院君裔孫私識也臣翰
源待罪居留適得民間流傳馳進奉審後取閔家
所藏文獻始伏覩 肅廟 英廟兩朝皆有成命
飭本府豎碑遺墟植木環標而特本府有事遂爲

年久未遑之舉臣翰源惶恐不敢自隱謹據實以
聞于朝領議政臣金載瓚筵奉睿旨趣令改
碑守護一如守臣所請臣翰源退而亟治新石顯
刻八大字就本第誕降舊基趺而安之上建小閣
丹雘如制仍置守直人戶蠲其徭使得專奉修掃
廣植檜松爲永遠之圖夫山川之毓靈厚矣日月
之胚精久矣塗莘盛蹟始彰於四百年之後竊意
在天洋洋默賜指導有符於基命宥密之昌辰也
歟嗚呼異哉

增

宋松禮第

在于男山東
官侍中○積

禹玄寶第

在太廟里有遺墟碑○原

崔瑩第

在梨峴○原

車雲輅詩

圖國真忘死悲涼老鐵城斷頭身自立金簾世皆驚

海陽餘古忠難渴山平恨未平高

成汝完第

在善竹橋東南有遺墟碑○原

碑閣重建記出松京南門

折而東約二里有橋曰善竹東南十武許實我先

祖怡軒先生舊第先生麗臣也歷事六王

并耦昌為八王

致位崇顯至恭讓時退而家居與圃隱鄭文忠接

巷隣德文忠之將成仁也過先生未及門而致命

麗祚遂訖先生迺晦跡于抱川之王方山黃冠野

服坐卧一小菴嘗有詩曰圃友中心結村翁外面

親王方山下蕨今世採無人屢拜侍中不起年八
十九完名考終後之尚論者以爲先生心事同鄭
文忠出處似牧冶二隱而沙川松山之清風峻節
並備而俱全宅傳至二百餘年而燹於萬曆壬辰
荒煙野草不復知爲肯構之堂而一片短碑埋沒
於苔花土暈之中桑海之感叢牆之慕不覺汪然
而涕以是年九月癸丑鳩材董役至十月庚午而
落之結構之庫而窄虞風雨也階庭之碱而蒺防
溝澮也丹雘不敢侈昭先儉也工匠不加督吓人
和也既而付竹橋之僕掌其修墜予錢若干使歲

息而資其羸鳴呼市朝變遷陵谷改易而獨先生
之宅墟而能碑碑而能閣至今五百年之久而父
老指點過者感歎此殆鬼物陰護是墟俾吾先祖
名德節義不歸於泯沒而無傳也

後孫龍申
記○增

吉再第

在龍崗山東
原下同

南在第

在太平橋南
有遺墟碑

本朝徐敬德第

在東部
牙井洞

聚勝堂

在分奉
常寺前

守坐衙之所睦公叙欽為畱守時

建九杯亭於門外鑿小塘於亭前今皆破毀

傳疑

俗傳延慶宮基是老鼠下田形故道謠云
基時造石猫坐于宮之前山又造石犬坐

于子男山下又造石虎坐于蘿菖山下以相歷
勝。至。今。有。坐。大。里。虎。井。洞。之。名。皆。其。時。所。稱。云。
惟。○。梨。城。內。諸。水。會。于。廣。德。坪。東。出。于。保。定。門。南。
入。之。議。云。○。西。部。太。平。館。里。有。所。謂。土。圍。俗。傳。
敬。德。宮。設。科。時。高。麗。遣。士。齊。會。此。國。議。定。去。就。
云。故。名。

古貞州

昇天府古址在今昇天浦古城北二里而世
傳古貞州之治在其西偏今淪入于海。○。自

此至退憂亭皆舊豐
德古蹟。○。增下同

德水廢縣

在府南二十里本高句麗德勿縣一云仁
物新羅改今名高麗因之顯宗九年屬開

城縣為尚書所掌文宗十年創興王寺于縣移縣
治於楊州十七年直隸開城府恭讓王元年置監
務本朝太祖七
年省監務屬豐德

昇天山城

在府南四十里昇天浦邊周回十里許
今有土址諺傳七十井今太半堙廢

壽康宮忠烈王四年作壽康宮于德水縣馬蹄山自
是常觀獵于此

臨海宮

在昇天
浦西岸

長源亭

在府西南
四十里

道詵松嶽明堂記西江邊有君子

御馬明堂之地自太祖統一丙申之歲至百二十
年就此創構國業延長文宗命太史令金宗元相
地作亭於西江餅嶽之南又得端文石于亭下淵

中○睿宗遊長源亭和郭輿詩

別館逢人擬謫仙
上樓同望晚江船

吟搜好景勞詩筆笑得歡情付醉筵紅葉黃花當
此日綠楊芳草憶前年只將親意忘時態忍抱狂

吟繼雅篇薄慕汀邊明蟻火夕陽村外起人烟
濛濛海氣風驅去月上秋霄照碧天○事與詩輦路

東風我獨先
馬頭春色入江天
日暄野壩新年
水繞離宮薄暮烟
微雨鳥聲桃菜地
綠波人語釣
魚艇鳴鑿已近芳菲
促不待清明必賜進

退憂亭

在府南四十里高陽里李廷
庵退老構此亭扁以退憂

松京誌

卷之七

松京誌卷之七

松京誌卷之八

人物

高麗王希順佐太祖定三韓為功臣○原下同

王珪太祖從弟寧海公萬歲七世孫年七歲為東宮學友初授軍器主簿官至門下侍郎同平章事

王世慶希順八世孫毅宗朝登第累歷左正言中書舍人陞諫議史部侍郎

高令臣火瓜力學善屬文登第累進右諫議大夫論議慷慨無所屈撓歷吏禮部尚書官至檢校

司空參知政事謚良敬

金駿以英銳好學擢魁科官至兵禮部尚書參知政事謚貞慎

姜邯贊成宗朝人華使夜入始興郡見大星隕于人家遣吏視之適其婦生男使臣心異之取歸人

以養是為邯贊及為相宋使見之不覺下拜曰文曲星不見久矣今在此也性清儉不營產業體貌

綾陋不喻中人正色立朝臨大事決大策屹然為

邦家柱石時歲豐民安中外晏然人以為邯鄲之

功也顯宗朝都契丹兵除西京留守王手書告身

曰庚戌年間有虜塵于戈深入漢江濱當時不用

姜公策舉國皆為左椎人官至門下侍中致仕歸

城南別墅著樂道郊居集年八十四卒謚文憲配

享顯宗廟庭文宗贈守太師兼中書令

安裕元宗朝以人性莊重安詳人皆畏敬在相府能諫

善斷常以興學養賢為己任年六十四卒謚文

成號晦軒從祀文廟

韓脩

字孟雲年十五中第善草隸忠定初為政房必

朝人累遷代言典銓辛曉方得幸於王脩密啓跪拜

正人恐致乱曉敗王曰脩有先見之明辛禍立拜

密直提學賜輸忠贊化功臣號討上黨君後改封

集行于世

李穡字頴叔朝擢魁資明敏博覽羣書為詩文操筆即書

遂擢官如元赴庭試歐陽玄見穡對策大加稱賞

部侍郎遷右諫議請行三年喪王從之官至門下

侍中掌國文翰數十季累見穡中國勉進後學以下

山伯謚文靖有牧隱集行于世韓

權溥字齊萬年十八登第累官至僉議政丞性忠孝

理之學自溥倡又哀子集歷代孝子六十四人使婿

李齊賢字世號一家九正封錄行于世溥及子婿八人

皆封君十五卒謚文正

李齊賢字烈朝登第忠宣留燕邱構萬卷堂召齊賢

齊賢稱歎不已元欲立省本國齊賢上書都堂其

議遂寢既還國羣小煽亂齊賢屏跡不出著櫟翁

省稗說恭愍王在即位未至國虛措命齊賢攝政賴丞權斷征東

之幸辛曉也白王曰益齋先見之明不可及已自貽後患及曉之敗王曰益齋先見之明不可及已自貽後

府僣輩不敢介名必稱益齋官至門下待中鷄林

鄭夢周

字達可為人豪邁絕倫有忠孝大節王好學

應舉連魁三場遂擢第一人累官至三重朝首守

門下侍中封益陽郡忠義伯大興請于朝倭寇

先歸明權臣欲害元公抗章論斥公彥陽時倭寇

充斥拘囚使者權臣喻前事繼使公人皆危之公

朴尚衷

字誠夫恭愍朝登第為禮曹正父母喪百日禮

即除公欲終三年不得祀典時士大夫父終制辛

初李仁任欲終三年不得祀典時士大夫父終制辛

道死年四十四為人慷慨有大志博該經史善屬

文嘗寄詩代言林樸云忠臣義士世相傳宗社生

靈五百年邦料奸人能賣國坐令
黨得安眠本朝贈領議政謚文正

崔瑩

風姿魁偉奮力過人初隸楊廣道都巡問使
下屢擒倭賊以武勇聞然開於大體不顧羣議

決策攻遼獲罪天子門下府即舍許應等上疏論
請遂斬初瑩父臨終成瑩曰汝當見金如石瑩佩
服終身不事生業居第甚陋處之怡然身部將相
久典兵權而關節不到世服其清臨刑之日乃曰
我平生若有貪慾之心則墓上生草不然則不生
墓在高陽至今禿褚人謂之墓上生草年七十三本

武朝謚

吉再

號治隱鄭圃隱門人清苦力學事父母至孝仕
為門下注書恭讓二年知國家將亡辭以母老

遲居蕭山金烏山本朝拜諫大夫不起賜田一
區即以種竹其學傳金本朝藝淑滋司藝傳其子佔

畢齋宗直佔畢齋傳金寒暄堂宏弼寒暄堂傳
趙靜菴光祖為東方理學之淵源○續下同傳

車原頰

號雲巖大匡伯孝全十九世孫也仕恭愍朝
為諫議大夫辛禍攻遼時極言其不可回軍朝

後趙浚李良祐言以記功答曰左脇金麟尚在

何汚開土上祖之忠義乎寧喫五斗醋不然有

選嚴辭峻尔以示不染之意革世後嘗被召不

而還至松原麻原之間為鄭道傳河崙等所推殺

內外親族死亾略盡七世孫雲恪有詩曰慘慘松

原路辭歸漢國初故山纔入目冤血已霑裾乱略

此入雖墟有世傳雪冤記一編備載其事

禹玄寶

字原白號養浩堂恭愍朝登第官至侍中與

我太祖受禪待以故舊之禮白衣引接公遂遞

野不食諸子之祿豆粥充飢時稱豆粥宰相封丹

麗朝人物原誌所載外吉車二公及禹忠靖最

著且於本府有遺蹟之流傳若李文忠仁復李

陶隱崇仁李石灘存吾李麟齋種學其德望風

節固偉然而都之為梓鄉無可稽故不敢輒

載

本朝高居正留後臣之後官至副

高若海官至開城府留守謚貞惠為人

徐敬德字可久號花潭自號復齋自切聰明英果讀

事無物不格嘗曰就所當然之中可見所以然之

理乃著原氣太虛等說在文集行于世天性

至孝曰靖陵賔天國制儒生無服只白衣冠三年

薦除皆不赴卒年五十

寓居俞肅基字子恭號兼山齋蔭仕官至全州判官

○葛山下續

趙有善

字子淳天稟甚高溫粹正直妙年求道師事

家素貧至屢不炊亦晏如終日端坐潛心經籍恬

養玩理反躬實體正宗朝薦授齋郎歷官內外恬

輪對全活甚衆有學又守其茲邑教之晚先造詣

益精深而四子六經猶循環默誦真積力久晬盎

歸嚮耆呈書都堂請學早禁邪蘇學著心性及諸說以

訂世儒謬見有文集學者稱羅山先生卒府儒

立祠蘿山疏陳道學請褒氏贈左承旨○子綱溫

以經學行誼著稱其婦朴氏亦以孝婦聞○子綱溫

才行

車軾

字敬叔號順齋徐花潭門人貫穿經史

金履祥

字仲吉號心適堂忠臣鍊光父性至孝文章

金履道

字藝履祥之弟為人倜儻慷慨平居不為非

成林等焚祠毀像識

韓濩

字景洪丁卯進士號石峯自少能自課書家貧

授以所書者再臨帖若神助楷額草書各臻其妙矣天將李如松麻貴北海滕季達琉球梁燦皆

求其書而去以此名聞天下王世貞華談言東國有韓石峯者其書怒貌快石朱之蕃言石峯當與

王右軍顏真卿爭其優劣宣廟見其大字曰奇世不可測也御膳法酒錫資便蕃欲使其習書於間

僻之地命除加筆率郡守化八字賜之迫年七十卒御書醉裏乾坤筆率郡守化八字賜之迫年七十卒

車天輅

字復元號五山軾子與第雲輅字萬里號滄洲俱有文章時稱三車初軾有子般輅七歲

能再屬文未冠而夭父之明年天輅生年二十日上帝使
我為父母之明
至僉正文章如水湧山出者曰素李春英謂李奎報
後一人其病也奎星預占者當有文士未幾
天輅卒

馬義慶

字仲積號竹溪丁卯司馬師事花潭徐先生
沉潛性理之學性至孝居父母喪廬墓三年

金玄度

字弘之號訥齋性篤孝年未弱冠有志求道
詣牛溪先生齋別試母有痼疾醫不能療日夜

書登後宣廟丙子別試母有痼疾醫不能療日夜
憂遑差齊陵祭官齋沐盡誠是夜夢自庚子

有教云歆爾誠敬賜汝母藥及還途有雙鵬以
七星鱧魚墜於馬前歸以供母病得瘳人以

栗谷在東銓薦以孝廉除北鄙叅奉謝恩即
等小齋于蕭竹橋南耽玩經籍鼓琴自樂尹月汀

自壽居留時屢訪相從甚歡曰幽蘭在谷香氣
根壽于人村文純公世采銘其墓享四賢別廟

自襲于弘之號訥齋性篤孝年未弱冠有志求道
詣牛溪先生齋別試母有痼疾醫不能療日夜

書登後宣廟丙子別試母有痼疾醫不能療日夜
憂遑差齊陵祭官齋沐盡誠是夜夢自庚子

有教云歆爾誠敬賜汝母藥及還途有雙鵬以
七星鱧魚墜於馬前歸以供母病得瘳人以

威宣廟末年疏諫王于管宮事丞命駁
名屏間自軍資正特除定平府使顯廟朝

贈禮曹參議
享四賢祠廟

李慶昌字彥及號西村為人周慎謹厚明於理學著
理氣論等說講求璇璣玉衡運用極妙金潛

谷堵趙浦渚翼見其文集曰此花潭後一人宜祭
之於鄉萬曆中華使過府人以此其所著文示之
高上使奇之謂朱副使之蕃曰此是通理人所製
稱賞不已戊申以學行特異事聞贈監察享四

賢別廟

黃元孫從遊花潭門
下有士行

曹臣俊字公著號寧耐杜門祠忠臣義生之後也以
文章名著世文科府使有遺稿備述本府故事

潛谷撰地誌時據
此為正云○續

安慶昌天性至孝而好善非其義也一介不取聞
人之名不遠千里而往從之窮喪無告者力

救之自號四耐耐飢耐困耐寒耐暑也名山大川

無處不往出入晦齋退溪栗谷牛溪之門又與南

金靜厚

字士畏號破屋玄師度之馬子腦次灑落志操水

朝時延興府院君金悌男為羣凶所誣以逆論怒

至公為同調潛不挽清陰金尚憲

尹忠甲

生貢性本聰明早擅文藝親沒之後絕意一科

心之所志而不撓於外慕也歌詠山水教義理之學

對案危坐日事窮格勉進後學則只山水教義理之學

不勸後參准京學丙制度不後釋奠器服無可遵式依

禮經而行之小學四書易春秋微辭與旨之難

尹魯西宣舉過訪三宿論經曰得見儒士此行不

虛云金潛谷以孝廉別薦朴南溪世采取覽所著

文歎賞之曰火時聞開城有學易尹先生今見
著諸書此正古人之事可以繼花谷之遺風淵奧
簡切各中道理之

金普

字殷卿靜厚之曾孫生於詩禮之家才稟絕異
十歲作寺刹碑文蓋間世奇才也所著文字多

有遠識如回瀾叙之類尤可見志尚之遠大而
幸弱冠奄忽未克遠到所著若干詩文藏于家○
續

金斗文

字季章幼有高志絕意舉業從事經學稍長
受業於尹明齋明齋丞稱許以敬勝名其齋

湖右士夫多樂與遊至以閩西夫子稱之為學一
以求放心為主所讀惟四書六經程朱諸書尤精
於禮學於常變之疑難之事辨決如流後移居
長湍隱藏桐年四十三卒戊寅因留守狀聞
○戶曹佐即

原下同

張昌復

字吉初號杏溪孝婦許氏之孫天資溫雅自
火以文行稱環堵蕭然露之安如終日整襟

危坐潛心經傳至老不懈保登諸公及士大夫東
西行者多造廬而禮焉以孝廉屢薦拜慶基殿
參奉不就丙子因留人曰選奏庫節四太平自挽
十八卒臨終顧謂門人曰吾以庫節四太平自挽

有文集享祠

金時鐸

字子木號梨湖幼有奇志嘗讀孟子首章欣
然著義利辨性師陶庵李先先生一見稱

豪傑士其學以專心向慕為本嘗曰凡事到吾前
先審義理之恰好與否其恰好者決定如此不恰
好者決定不如此學問之道如斯而已事親有至
愛父者決定不疾雪夜露立禱天逐日嘗糞血指
得十

日延及喪廬墓終制正宗丙辰事

許增

字川如號新湖切穎悟文才起絕稍長從事經
學受業于陶庵李先先生篤志力學知識日進制

行甚高常以第一等自期所著中庸釋疑易圖說
閨法解并田說皆極精詳多所發明英宗丁卯

登庠初居第三士論御筆特置魁元不幸
早歿未克逮到士論御筆特置魁元不幸

趙有憲

字季式號芝山有善之弟生有異稟纔成童

師訓其忠養前踐履先生亟稱其質行罕比躬耕奉

不講究而尤拳拳於小學近思錄常曰平生得力

盡在此書教人雖年長者必先以小學曰為學自

有階級不可躐等正宗朝以別薦除顯慶羅

張玄間

字濬之號四裁堂敦毅清介早知為學以科

餘力探索經籍向裏着工鄉人多從之居遂傲張

橫渠一方井田之法與之共事別築精舍於田畔

分人為東西室一為讀書所一為治事所勸課耕讀

府分教官享

男山書社

木府詩卷八

八

忠臣

高麗林先味

宇養大時舉世短喪公與朴尚袞等諱定禮制行三年喪麗末遜于萬壽山南

杜門殉節享表節祠。續下同

曹義生

字敬叔號西郭少游鄭圃隱吉冶隱兩先生門下講明道義麗亡入萬壽山杜門以終享

表節祠

孟氏

名不傳與林曹二公祠同其志節享表節祠

麗朝忠臣可書者甚多而前誌所載止此三賢故

今不敢輒為加錄

增

本朝宋象賢

字德求號泉谷壬辰為東萊府使倭兵猝至作書寄父曰孤城月暈列鎮高枕

君臣義重父子恩輕城陷正冠帶踞床不屈死妾亦同死賊焚其屍誅擅殺者朝廷贈吏曹判書

謚忠烈與金鍊光
並祀於崇節祠
○原下克良

金鍊光

人勸避之松巖壬辰為淮陽府使賊兵犯境
字彥精號公曰吾守土之臣不可去而求生

冠帶而坐賊脇贈之先所其手
不屈遂遇害
指

劉克良

顯其母本私婢也其父死後克良登武科歷官
榮其母謂克良曰我本某宅婢也火時誤

碎主家玉孟恐被罪而逃遇汝父生汝耳克良聞
之大驚即上京尋主家陳其情願削科為奴主力

拒之曰君非我奴也何出此言克良曰放良既言之
於我何敢冒法欺主君乎其主義之為良文券

給主之克良猶以主稱之宰邑贈之財物購遺不絕每至
其主之家自里門步進所贈之物手自持納官至

副元帥壬辰之亂從申砮守臨津砮欲渡江背水
擊賊克良止之不聽克良曰大將已渡我何敢後

隨渡而去賊兵大至砮馳還騎渡未半而我克良
踞輜床不動麾兵力戰而死之

武毅

謹良

高洽字公澤生負天性剛直不為非義一鄉推重
贈

司憲府
持平

朴鐵壽字耆叔亢直好義受業於牛溪先生壬辰
宣祖幸本府公與金慶溥河緯坤等請斬賊

國三人頭以謝一國賊至避于山谷見賊搜索殺
掠不勝其憤曰寧射一賊而免弓射之羣賊直

前殺公配王氏出自草間抱屍而哭賊又殺一之
長子又出而哭賊又殺之忠烈孝三人同出於一

門今古所
罕聞也

金榮龍平居有節操不為非義丙子亂率其家屬入
江都賊猝至驅脅人民榮龍曰當死於節以

見吾父之義魄可也不可辱也蓋其父希貞死節
於壬亂云留一子使奉先祀與其妻張氏同赴水

死焉事
聞旌閭

金國器丙寅秋以前訓鍊判官佐幕于義州府丁卯
亂義州城陷之日慕僚多有逃歸者國器以

爲義不可逃與府
尹戰死於城下

申天男

武科甲子亂錄振武原從一等功臣丙
子之亂以都元帥軍官力戰死於兔山

孝子

金龜孫

之私家奴也幼時母歿既長哀慕作主朝暮祭

夕莫甚苦龜孫叱其難得愈後父歿廬於墓側每朝

事○聞旋閣復

閔伯和

孝行夙著嘗為成廟心喪三年母歿廬于

十四時林賊據青石祠其徒掠伯和鼎而去林賊

孝俱全事

姜千年

家在碧瀾渡里母病劇斷指以進病愈後復

路遇大虎說道情狀曰虎見母後食我虎叩頭而退

食西貳時未及熟四求不得還見則其瓜一日之內

大如斗厥圭奇之不受價而與之居廬時有烏來
栖蓋樹每哭時舒翼哀號莫訖省父卽還丁丑年
家內失火惟孝子神主起出
于階上人奇之事
聞旌閭

朴成林

旌閭孝行

韓孟連

旌閭孝行

林應并

而復蘇元吉子也性純孝父病劇斷指以進絕
夜詣墓號哭虎常蹲傍哭畢因定省於母雖甚雨
雪未嘗廢焉往返之際虎常隨護母病瘦未卧以

手奉屍者三年坐處生蛆嘗糞甜苦以審輕重虔
禱北斗所以身代方其所也兩虎來護病急血指

以進延壽一年食三日事聞旌閭
遇國忌素食三日事聞旌閭

金業

乞生代死遂能命豈妻全氏從殉奴老松又死之
竊子公瑾以童子伏於父屍被乱刃不去賊不

忍害後廬墓以終制事
聞四孝一烈並旌閭

金崱

金崱

金崱

趙以義

士人篤學敦行毋有痼疾日夜扶持及病劇

老而

猶孝父嘗夜思雉炙即往鷹家中途忽有飛

雞撲身取而供之丙子之亂父阻飢哀號求食之

際忽有盛飯器袖而進之一日與客坐忽驚惶而

起曰親有所適而心有顫何也即趨往父果中途

墜馬速父病革血指以進及遭喪廬于墓下不食劇

斷一指以進又半日甦及遭喪廬于墓下不食劇

誓其父嗜蓼果終身

不忍食事聞旌閭

韓大用

都事花潭門人忠孝俱至母病思川魚水終

喪母

亦廬墓一不到家國忌必食

松江言

李鉦 儒生事親至孝雖極貧乏必具甘旨親歿手自贈

司圃署
別檢

李德材 事母至孝母死喪畢

韓舜繼 家貧親老躬業冶鑄以養其親餘力誦書詠

役舜繼曰為儒則不得善養吾親吾不以此易彼

也賣器使買者定價不爭其利盧蘓齋李栗谷成

牛溪三先生聞其名而慕之行過是都造廬訪問

嘉其行誼載錄文集號市隱有文集事造廬旋問

持平享四賢別廟贈

高令器 事親至孝當母生日家貧無以供具往紫霞

金濡 性純孝事親以誠友愛尤篤平生律已一依小

毋喪廬墓聞大駕去郊與兄泥漬追

赴喪廬墓聞大駕去郊與兄泥漬追

曹旭

禁府都事誠孝出身代拜跪七晝夜兩膝見血恍惚

聞有大聲曰鑒汝誠延汝父一紀壽即日病間其

父果七十而終事繼母以孝當宣廟去邠之日

金得輝

生負誠孝出天家甚貧妻親有滋味侍奉六

其悲哀未嘗見齒於朋友則必以信義鄉睦之子弟

李義男

慶昌之子也事親色養喪祭未嘗箕踞丁丑

經亂之初始行釋奠而兩廡笏而行祭不差儀式

且於丙亂鄰家盡燒延及義男家神主所藏

曹鐸

旭之孫也天性至孝出告反面禮養備至先

三年供養其父甘旨之味極力營辦其父病革斷

公京志

卷八

十三

掛了言

墓所哀慕攀號平日若有事故不得祭祀
則累日不食年六十餘矣事聞復戶

張時業 賜米復戶

林千壽 將仕郎性至孝父積年沉痾供養畢至病裏
不化之私房者十二年父歿廬墓三年哀毀逾禮

一 家不化之私房者十二年父歿廬墓三年哀毀逾禮

先被薦至事親有至誠父喪毀幾滅性丙子之亂兄

拘置軍中月黑之夜負兄出陣而視之則乃欲殺之人

也 不 忍 拾 兄 而 獨 走 回 身 復 入 胡 人 怒 而 欲 殺 之

一 家 訓 所 及 庚 申 事 兩 全 於 亂 人 以

尹義男 刀為業養其母朔望必具酒肉請隣里使與

母共食以悅其心
天性之篤孝如此

林昌澤 進士有號崧岳善詩文尚氣節孝友出天母

母喪三日水漿不入口廬于墓側瘠骨立嘗飢

時讀孫吳書慨然以忠義自勵晚年築室白雲洞

與學徒講論不輟有文集壬子事聞贈持平享

朴應立 性孝友事父母一意承順父母有疾侍側嘗

有危迫應立負其親投入皮匠幕賊騎追至幕前忽

全人謂孝感所致丙

李柱萬 年甫弱冠母得痼疾侍側膏藥積年如一日

一洞共財無間平血三年幾至廢視子姓兄弟聚居

許湛 號夢華性質淳古操履清苦博通經史尤喜讀

七十遭母喪哀毀逾禮幾至滅性登國恤因山前

旌事聞

徐之一家貧薪以備酒食夜則讀其父性喜酒之一晝則

其父軍裝隨之每沽酒二器一器進其父一器勸

遭未嘗火解及死遭喪哀毀過制繼而

韓暹孝子舜繼之玄孫也世其業竭力養親繼母辛

出以事氏辛氏後亦慚悔衣食諸節聞過於己戒其妻盡誠

李時晟自幼性孝得喪一歲味懷遺其母一家以孝童

母不稱之遭父喪廬墓三年不食菜誓聞一日親

秦鏡大以事親以小學為法又諺授諸婦女冠昏喪祭

憂衰駁盡制事偏母誠養備至使子翁誦詩于其側以方言解說又身作童稚之戲以娛悅其心

具興廷

天性篤孝其母兩年沉痾晝夜侍側至誠

三年所食惟粟菹隨以一奴食必各品蓋嫌其

正宗朝復佐郎

馬挺河

自初誠孝出天母有宿疾四載嘗糞父有背

將求黃鷄為藥餌又有一鷄自來人以謂孝感不

致遠喪廬墓三年服闋後每日晨謁祠堂終身不

朴枝元

遺腹子也自暑齧時飲泣於隣兒呼翁之聲

順之方日夕侍側未嘗遠離年六十遭喪三日絕

勾飲居廬三年哀駁盡制每於朔望必省墓至老

不廢

申狀 英剛丙

印國寶

其于墓下親也竭力供旨務在承順及遭父喪廬

載長啜饌人必先藝鳳就屢舉鄉詳以親歿之後終身

朝庚子狀孝行以請褒于斗齊孫

禹尚邦

天資淳朴自孩提時已知愛親父母有疾則

喪廬三年其遭母喪年六視父母而為之遭父則

如前喪服闋仍居墓下日瞻依丘隴以終餘生

李鼎濡

以孝辭簡古華法令枉萬之孫也自幼從事書史

斷指得延七年父病又血指延二日居喪廬墓三

有饋以菜醬者不受也朔望歸奠几筵風雪

不廢 正宗乙巳事 聞旋間○續下同

梁顯孟 號自隱菴喜讀禮書好氣義惇孝悌父積年

終不令人代及喪茹素致哀以終制其妻金氏亦

有婦道舅姑喪及夫喪食素三年

秦益塚 孝子 贈佐郎鑑大子也克世于孝且有學

駿病閉門山阿扁以耻寓耽研古書以

金命逸 早登武科因靜居讀書有行誼父病冰浴禱

及祖母喪時年已向衰而執喪如禮每當祀日率

閱其言行錄竟夕鳴咽周甲之年謂家人曰吾年

已老當往依丘壠以終餘日遂栖身康廬朝夕拜

崔舜星 嗜義樂善篤信占訓抄錄經傳中要語日夜

誦讀事親行己一於是取則觀病齋沐禱廟

顯以身代及喪水漿不入口者四日六年苦塊此毀瘠骨立手植也臨歿書忠孝傳家四字

崔孝子手植也臨歿書忠孝傳家四字

金載欽父少從事文學處心猶介性至孝十一歲遭

徹宵不懈及喪其疾視浴沐禱廟又斷指灌血得延

終制正宗復甲寅事開正宗復甲寅事

玄德澄前以幼性孝年十三採取山木數百株植于墓

喪號絕方甦廬墓終制事繼母盡誠及喪亦廬墓

正宗甲寅事開正宗甲寅事

朴世琮年十歲其父病項瘡沉痾一日入山採藥有

年十四時父歿既葬結墓前啜粥終三年母

至今稱孝子山正

宗就深

事親有至愛父病痼三年晝夜扶護時時沐浴

土室于墓側朝夕拜墓號哭未嘗以風雪火解如

即佐

韓光謙

天質純實無偽自幼事親有至性痛癢抑搔

其刀遂嚼而斷之以進血獲其左指未斷家人奪

幾其父病又劇家人先藏刀劍便不得措手光謙

斷遂更斫其第三第四兩指以羞之及喪水漿不

當寧甲戌事聞

韓道奕

天資質實誠慤九歲遭母喪昏絕僅甦父病

公

志

求莫不齋送十三遭父喪及丁憂哀毀如前喪以時

人稱為小連洞善事繼母及與人宴樂佩服之華采

禹得龍

即孝子尚邦從孫也性本純孝資以學問事

疾革割指進血得延八日父病積年嘗糞以驗老劇

七進食務極便適其父常言吾雖眼昏是兒為吾

傳專心實地喪友皆推重以終制嘗與同志輪講經

梁濟均

其自齟齬有至愛於父母竭力致養備經艱苦

丁憂水不入口者三日伏處苦塊涕淚不離側

不進滋味三年一如袒括其母八晝病瘳不粘

席而安寢如是者十年及喪年將六十而執喪致

哀一如前喪後仍居廬次啜粥三季

毀瘠骨立

贈戶曹佐郎

秦景舜

性至孝年十歲母病已屬續景舜指進血

兩虎當路景舜論以急赴親病虎即避去後母又

病夢有人告曰用某醫藥則可治如其言果得廖

翌年丁憂毀幾滅性奉其父克致忠養每晨與其

妻備饌具跪于寢戶外候其起以供之及父卒景

舜病癰幾不起當支臨葬病忽稍聞旌間襄

而歸仍不起當支臨葬病忽稍聞旌間襄

金彥璋

稟性朴實事親至孝家本貧窮力田以養其

父病劇醫云餌鮓魚可療時當隆冬彥璋袒

衣剖水冰堅剝膚流血被脛竟得鮓魚數十而歸

工憂既絕復蘓既葬築室墓傍樹踊常如桓括及

母卒彥璋年過六旬而盧墓致哀一如前喪彥璋當壬午事而聞贈童蒙教一官如

張希棧

篇孝天至身居村野躬勤耕稼而溫清必節

甘旨畢備其父病廬克勤其憂三年如一節

醫云醫血可療即廣搜窮捕忽有一鷺翔下執而

進血果得良已及喪水替不入口駁一鷺滅性當

寧甲子狀聞請褒

韓泰鎮

孝子遲之即孝子市隱舜繼五世孫也克

其價日計所贏取足供親而止周觀市上必求其

親所嗜物以供之及父母歿不復出市前後執喪

洪禹績

自幼篤於愛親務悅其志其父違屬沉劇入

口駁幾滅性既葬一日義往哭墓所不避風雪奉養老

母甘毳畢給出遇一義味必懷而進之毋有負疾

致精醫方診候調養數十年不懈如一日及母卒哭

全氣大

號伏庵剛方聰敏博通經傳事親有至行生

性親沒後絕意舉業沉潛理學如基三廟大衍卦

言疏陳六弊三策末又陳本府四事之創建批嘉獎

祠不朝峴之堅碑皆疏中所言者
有文集當于乙酉狀聞請哀

全聖賓

氣大子進士性至孝其父嘗得痼疾醫云服

躬汲水以進未嘗失時積五年如一日及父疾劇

祈指進血得延數日居喪守制甚嚴終三年哀毀

韓敬儀

生其素時服闋未當于乙酉狀聞請哀

未及受禮案而遭王父喪以未天聽不敢輒受

服不飲食不絕哭以俟之者四日既禮案到又四

日乃成服前後喪廬墓凡九年六十四又為本

生母追行心喪之制火以親命就舉親沒後棄陳

文基永

武科幼有至性年十二執父喪如成人禮

制前後居廬凡九年躬植松楸手指胼胝樵牧不爲
之勿剪朔望省墓風雨不廢祭器必銘以識之
敢棄用具饌時冠帶拱立終日檢察上墓旁觀之
無后者必次第行祀拱當于戊子狀上墓旁觀之
文尚穆基永從子禮曹進士性純實享親有至愛父
病基尚穆亦宿痾纏身而躬執湯餌衣不解目
盆痼人以病當從權強之以終不從纔居廬茹素病
當宁戊子狀
開請

孝婦

崔氏

妻勤於織紉敬奉其姑身自啜粥而奉姑甘旨貧

其心姑以天念姑體寒起而點火不使姑知之以安

誠奉養自處薄命冬不並溫夏不就涼親戚之會

○稱孝婦焉

趙氏

早失所天善事舅姑有疾則親調藥餌火不離

側病差然後乃執家事丙子之亂避兵江都姑李

氏落馬重傷命在晷刻趙氏以犬矢爲汁先嘗以李

晉雖在蒼黃顛沛之中不離以爲孝感所致移避

曹氏

生負李聖稷妻孝子鐸之女都事旭之曾孫女

松京記

或闕值庚辛大無其舅嗜酒常繼不告乏至於不
祀必誠必潔性又和順慈以待下一家之內無不
悅服鄉人
稱羨焉

許氏

折衝張漢臣妻稟性慈詳甚得婦道事舅姑殫
其誠禮其於諸姨亦極和順其姑歿於染病執
喪致哀一如常時其舅感其孝會門族稱贊別有
賞給之物許氏以其物移給於家翁之兄資其貧
乏鄉鄰稱孝焉丙

普善

庶人高得龍妻早寡不嫁又喪舅姑孝事其父
母家雖至貧朝夕奉養躬勤家業必具甘旨每
月朔望別設盛饌以進其父母無他事子而賴此
終身安過及歿送終之禮亦極其誠事聞蒙
賜米
之典

烈女

李氏

士人金以益妻宣傳官騫之女壬辰避亂于田賊猝至驅掠登舟李氏義不辱投江以死

船婦女見之皆投江死
事 聞旌閭○原下同

朴氏

進士徐馨德妻○一云李氏未詳孰是

李氏

士人金宗瑞妻

金氏

正兵徐凡沉妻

金氏

校尉高應實妻○己上并旌閭

金氏

副司直林永梅妻夫有疾幾至不救焚香祝天血指以食其疾即瘳事 聞旌閭

韓氏

都事大用之女也未笄當壬辰亂與其弟隨母避賊為賊所得以劍脇之韓氏却立罵賊為所

斫死事
聞旌閭

尹氏士人洪繼叔妻定之女也能識文字嘗讀列女傳以古賢婦律身丙子之亂繼叔欲渡江華未

及登舟為賊所掠尹氏曰良人被擒我何以生為與三子同溺死旋間

李氏孫夢男妻金文豹詩烈烈貞心日月明將身肯與賊偕行負兒俱八千尋底潭水滔滔萬古清

金氏士人曹武妻孝子旭之孫婦也

白氏士人全弘義妻

全氏士人金岑妻

玄氏士人李枉妻

張氏士人趙元男妻

朴氏士人金德僦妻

高氏士人韓應賢妻○丙子虜亂避賊于伊川中道為賊所脇罵賊不離口投崖而死○增

安氏
妻士人金地四

黃氏
得士人洪妻

陳氏
格士人白妻

馬氏
承士人尹妻

尹氏
時士人柳妻

張氏
英士人張妻

金氏
義士人林妻

德香
福高應妻

扶姬
明宋得妻

李氏
孝五衛將朴妻

春今

尹先長妻

梁氏

洪繼先妻

金氏

白重福妻

李氏

全義德妻。已上皆死於丙子亂事。聞旌閭。

金氏

林五柵妻。永梅曾孫婦也。丙亂猝遇賊兵解刀自引。以全婦道事。聞旌閭。

李氏

全義逸妻。死於丙子亂事。聞旌閭。

館婢遲德

死於丙子亂事。聞旌閭。

朴氏

土人李仁支妻。丙子亂。渾家被虜。其夫被害之際。以身覆之。同被殺戮。

金氏

土人李漢替妻。禮曹正郎斗翼之女。壬子強盜入室。家人盡走。其夫寢將見害。以身翼蔽之。賊

鋒所擊皆自當之。滿身被斫。無完肉。至於脫賊去後。出鼻端。剥落然而終不避其夫驚起得脫。賊去後。

僇什於地流血淋漓一息僅存家人還集將護遠近鄰里皆來會莫不流涕未幾而死事聞旌閭

禮業

庶人白貴宗妻其夫行商外方為賊被殺之後不食稀粥日夜號痛及夫屍載還解結憑櫛以

死自矢至埋葬自繼死事聞旌閭

貴丹

庶人白貴同妻青年喪夫寡居守義其父母憐其早寡無子欲奪而嫁之女多般拒之父母強

欲嫁之乘暗入室自繼死事聞旌閭

田氏

士人陳與徐妻丙子之亂其夫被虜日夜號哭常言家翁暴骨異域吾何忍寢食安處乎寒不

衣絮暑不就涼不櫛不盥蒙白喫蔬至於五十年之久枉被嫵人之譖呈治雪冤之後飲藥自殺乙

未事聞旌閭

白氏

李元信妻其夫身死之後絕不飲食日夜號哭日漸焦枯以死事聞旌閭

金氏

士人李穰妻忠臣鍊光之曾孫女也常時聞壺之內甚得婦道親戚閭里莫不欽歎及丙子亂

與一婢被虜臨大海顧謂婢
子曰義不受辱即投海死

張氏 忠臣金榮妻丙子亂從
其夫赴水死事聞旌閭

金氏 士人朴之厚妻稟性貞慤事夫誠敬婦道嚴肅
模楷一家及夫歿哀毀過制不食搃菜僅自啜粥

粥設苦於几進前而夜不解衣晝不肯許常苦其
虱坐生蛆虫家人請除虱掃虫終不肯許常苦其

體只祈與夫俱亡雖過三年之後其死如生之
誠如在三年之喪而哭泣三年之痛哀毀之誠愈往愈

篤及其長子成婚使托後事因廢
食飲以至自盡丙辰事聞旌閭

金氏 車尚敏妻性本孝友孝養舅姑其夫嘗有事往
嶺南為賊所殺凶計未及至有一青鳥飛入家往

中坐于金氏之臂悲鳴不去者三日及聞凶計決
意南行青鳥隨行未嘗火離與賊相訟於安東者

七朔斬賊八入點割啖食及還家之日青鳥不復
見所斬賊一單衣冬夏不變恒伏苦席不絕哭聲

及嫁長女泣謂三女曰七年苟生實由汝等之在
穉今幸長女成婚二息將有託矣言訖痛哭乘夜

自縊死事
聞旋間

吳氏

通德即韓昌周妻年十八夫死晝夜擗踊水漿不入口後數月其夫弟有室即曰我欲自決者

死

久而以姑老無托忍而至此今則奉姑有人

李氏

車食則食不食則亦不食及夫死絕不飲食以

死

姑仍仰藥而死以定嗣之意告于

洪氏

通德即權處規妻其夫病劇絕穀不食及其死

藥

家人總救得甦哭之日搜出首飾賣珮遺十

盡

癸酉事此想見汝母之形容也言訖飲藥自

李氏

白崙鵬妻年十六遭夫喪以死自誓潛自投井

穿

而死癸酉聞旋間

李氏金國鳴妻性貞確平居婦道甚備夫死幾絕而

官陳情辭意懇惻官特寬其家喪之具作遺書托之具

短碣堅夫墓且預備神主埋安之具作遺書托之具

金氏金宗說妻即國鳴之子婦其夫客死京中返

宋氏建欲奪其財潛殺其夫實及馬投鴨水以滅其跡

夫籐鞭血痕猶存因告府濟戶不加嚴訊宋氏盡

亦呼遂以江痛哭忽巡營巡聲亦不辨死屍浮出死馬

忽有一青雀來止宋氏頭上鼓翼悲鳴巡警官驚異

之屬龍川官究治宋氏請手殺賊以復警官義而

李氏梁濟大妻稟性端潔動止有則及嫁數月其夫

發姑又歿遂以立嗣嫁女之意作書遺夫

黃氏 宗繼死於家園桃樹下戊寅事聞旌閭

持行升執以爲證告于官得讐賊六人其夫平日所

剗其腹取肝以祭其夫聞夫屍埋川邊上服正刑

梁氏 故土仍絕食自盡戊寅事得其屍返葬

而旌已卯事 必欲從死於海水父母守之甚固遂潛夜投井

金氏 崔應豹妻其夫病歿之日年甫十四而能知從

即吐之誓以必死曰吾與亡夫相逢未久若苟延

縵命何以記其面於他日地夫相逢人防守甚固

金氏 腸不得自裁溺拔壁上鐵釘三枚吞之既數月鐵食

金氏 年尹殷樞妻稟質溫粹敬事舅姑居舅喪蔬食三

卷之八

不可備製於人手自裁縫以盡殮殯之儀及

白氏

金方出門金氏即飲藥而死壬午事聞復戶

汝可買來過數日又托腹病使買燒酒和水銀而

飲家入始覺之欲以水漿解毒白氏死後痛恨不

縊死於龍山林木中其時年十九與白氏同狀

崔氏

金正赫妻性貞淑能知婦道其夫死襲歛之

中有一雙新襪與納夫衣貼而藏之書其上曰

以已歸衣聞甚惻然曰崔氏以前朝故人能有此表異之書

依事其風令此府無旌門皆堅石

尹氏

金時逸妻稟性貞一其夫病沐浴禱天累月如

尹氏有遺腹之胎舅姑慰諭以嗣續之托言甚懇
側且勤防護尹氏不能死其夫大祥之日又飲藍

汁水家人欲下解毒之劑則噤口不肯受舅姑提
耳言曰隣有痘待兒經痘後成汝志未晚也尹氏

始恪口受飲吐藥復甦居數月兒果痘蘊完後
尹氏即閉戶自縊死正宗戊戌事聞復戶

崔氏村文桓妻其夫死且葬泣告舅姑曰明日即所
遂赴水而死正宗臨壙一哭而歸舅姑憐而許之

戊戌事聞復戶正宗
姜氏孔宗履妻其夫死向壁堅卧以死自誓乃曰吾

後嗣既定往訣夫臨訣之語蓋以有立後之托也及
中仰藥而死訣夫墓而歸作遺書懷襟

白氏金禹彬妻天性端莊甚得婦道事舅姑誠備
代者積十餘日夫竟不起白氏於號擗之際忽發

聲願與偕逝者三家入驚視之則已飲藥而絕即
其夫死日時事年二十復戶

正宗癸卯事
公京志

抄寫三言

吳氏

縣監朴河潤妾也本長警官婢性柔淑善諸

食火許數日後潛飲毒藥家人覺之灌以粥米汁

則緘口不愛曰吾死決矣遂以八歲兒托其嫡室

李氏

姑士人全命始妻烈女白氏之曾孫婦也善事舅

飲必與共之及夫喪既殯沐浴入房潛飲毒藥舅

姑驚救乃甦葬日復飲藥賴救又甦自是家人防

護甚密李氏乃取苦藥塞其窓牖不復見天日及

王氏

士人金國鼎妻也夫病至誠救護一飲一食必

製既葬引衾被面向壁而卧呼之不應挽之不

聞已酉事旋間

果氏

通德即孫景福妻也自幼清介貞剛常語人

是日仰藥死于庭傍同之及喪抱屍而哭屢至氣絕

玄氏

武科金觀復妻也其夫積年沉疾至誠救護夫
食亦食不食亦不食每夜澡浴水泉禱于北斗
願以身代及喪潛自飲一哭因向壁而卧不見天

春日旋吐入棺之夕扶起一哭因向壁而卧不見天

方氏

正日宗至八朔竟至自盡
及庶人金重起妻也夫病篤晨夜禱天願以身代

老無依可也後五年其姑死兒且娶婦乃曰可以

行汝志可也後五年其姑死兒且娶婦乃曰可以

李氏

學生金履相妻也天性至孝謹事舅姑其夫居
喪病歿成服之日向壁而卧以衣覆面兩緝女

啼其側一歲男吮其乳而一不顧勺水不入口其

母居遠聞而來見以稚兒托其姑而告訣曰生既

送夫死當從夫今幸見母更無憾矣復向壁不動

李氏

正宗甲寅事積十二日自盡

之就寢抱石投前潭死

薛氏

正宗甲寅事積十二日自盡

裁人送終衣衾藏于篋中夫死既虞廢食向壁而家

人覺之灌以藥物則噴而不飲曰死已決矣時年十八歲

金氏

正宗甲寅事積十二日自盡

婦之道也吾所以苟延者二馬也夫遺骸未及返

葬也也夫後事未有所屬也及其返櫬又定嗣續凡則已屆小祥之日行祀後正宗丙辰事聞旌閭

林氏 八士人秦得忠妻也其天染癘方殆林氏時年十

以嗣續未定忍而身代竟至不救則期以從死

救之祥日又如至後數日又立後即飲毒藥家人

不得死遂向壁而卧不食一粒積月餘蟲蛆遍體

皮肉腐穿因以至絕遺二封書於枕中一屬其姒

善保螟兒一屬夫兄立石夫墓辭

極悲切當于申事聞旌閭

金氏 學生李英弱妻也年二十三其夫遭竊沉溺金

殞舉家出避金氏忽往覲父母歸路見姨祖母崔氏旌

烈碑摩挲泣是夕即仰藥而死乃其夫發軔前

一烈碑也家○人從其願遂同日而葬

增聞旌閭同

金氏 學生李應蕃妻即烈女李英弱妻金氏之從姪

患風疾沉痾一年金氏至誠救護夫歿以死自矢

面壁堅卧不見天日其舅勸以米飲則畧吞旌吐

公京志 卷八

二十八

皮如是六朔卧不改席衣當壬申事左脇聞旋閣

全氏

夫學生洪有龍妻而殯歛諸具手自裁縫既成服也

閉戶不食舅姑持糜粥泣勸則略軟旋吐向壁堅

旋事聞

張氏

副司果劉順龍妻也順龍當丙子虜亂聞南

夫衣襪託父毋以葬又托二幼瓜曰願善視之以

存夫于血肉也言訖即授于江其父以張氏所托

朴氏

孝友贈持平林敷實六世孫學聞旋閣謂妻

天積二年二十一其夫建藹疾劇朴氏學每夜立之

若無事者既葬其母氏給婢買小刀乘夜自鑿喉吭

在池而渾身淋血其母冀其少延灌以米飲則喉

寵彭拜皆從三竅出是日遂絕

當宁甲戌事

金氏

學生玄錫棋妻即孝子金命逸之從女烈女玄儀德妻杜氏之從子婦也其夫客死湖南返葬

無入金氏欲躬往舅姑挽而止及返觀金氏手解布絞審視之因矢死絕粒舅姑泣喻曰汝死則我

老夫妻與汝穉子皆將餓死汝何顏歸見汝夫乎金氏感悟自是以針撥舂織為養日夜不息其自

供則油澤麥糠而以針撥舂織為養日夜不息其自氏常手匙以飼之舅已其姑先浸舅病風右不仁金

訖沐浴前瓜拜辭祠堂仰藥而死距其夫歿為十六年當于壬午事聞旌間夫

梁氏

學生金履瑞妻即烈女金履相履瑞妻以殘梁氏時年二十六與李氏也履相履瑞妻以殘梁氏時年二十六與李氏也

俱決死志購毒藥分藏之李氏既死梁氏揮泣曰吾未忍遽絕殘喘者一則為老姑在堂無人奉慰

也一則為夫無嗣之無人饋奠也乃日啜穀匙稀粥以存視息及大祥之晨夏衣入室飲所藏藥而

死事 當于壬午

安氏

學生全得文妻也自幼孝養其母及歸全氏以

客死計至安氏即死自矢托其孤於其夫之情

遂理 乘憐然有不忍相捨而殉夫之志斷不可渝矣

金氏

學生金宗端一忠臣淮陽府使金鍊光七代

堅卧以死自誓家人防之甚嚴金氏即收其骸容

若無死意家人火解其防舉出穉子野金氏乃沐

襮

林氏

孝友 贈持平林敷實玄孫學生挺巢之妻也

若婢跋涉至病所以救護其夫臨終屬以善養老

治女紅養舅甚至歲餘舅沒盡賣家嚴備禮以藥
之泣語子女吾所以久延殘喘為不敢負亡夫
以託今則當寧乙酉狀聞請棄

安氏

學生李齊綱妻幼不嬉戲既歸甚孝敬舅姑愛
之及夫疾安氏嘗糞禱天及喪面壁而卧絕不

飲食舅姑泣論曰汝若從死吾將嚙依且汝不能
火須更以待汝大兒成婚乳兒能食耶安氏起歛

容曰惟命然而食不能下咽旋即吐出恐舅姑知
之常貯之器乘夜以棄又不自抱乳兒漸離而遠

之至小祥告舅姑曰今則乳兒已能食餘皆稍長
舅姑勿復以不孝婦為念祭訖遂仰藥而死

當寧乙酉狀聞請褒

朴氏

學生李景元妻其夫寓居平壤得奇疾朴氏嘗
糞驗疾禱天願代夫死既厥殮潸入其室飲毒

幾絕家人急欲救解正宗平壤司狀聞命復
必速矣仍以限命

戶

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十	五十一	五十二	五十三	五十四	五十五	五十六	五十七	五十八	五十九	六十	六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----

名宦

高麗鄭地

判開城府事。恭啓朝上禦倭策我。宗三年錄回軍功賜鐵券諡景烈。○原下太

同

本朝李行

留後。○官至大提學以文。章著稱。諡文節。號騎牛子。

權湛

副留後。○諡文節。號騎牛子。至全州府尹有槐亭集。

朴元桂

火尹

閔霽

留後。○溫仁清簡好讀書官至左議政。興府院君篤生我元敬王后諡文度。

南智

忠景公在之孫。官至右議政。

姜碩德

官至知敦寧諡戴。諡有玩易齋集。

李季隣

文靖公穉之孫。世祖朝佐。異功臣官至左贊成諡恭武。

公京誌

卷八

抄元書

奇虔 城以廉介 尹謚貞武 官至漢

李恕長 官留守 〇世祖朝 敵愾功臣

金良墩

李芮 有文名 官至刑曹判書 謚文質

金之慶 有聲歷臺 諫論事不撓 四為監司 所至

金永濡 官至刑曹判書

洪可臣 官至判書 宣廟朝錄

吳億齡 選湖堂 官至謚文簡

金堉 領修本府地誌 且多惠政 官至

金宇杭 有德政 官至右議政 〇府民為立生祠 堂經

並祀之癸未因朝令撤○原○生祠堂既撤後
府人立碑于本祠舊基府官先生遺愛碑自沈相
國始而繼堅者甚多又有生祠址碑文故右議政
祠堂新建者而不能盡錄

金公字杭以肅廟壬午居留于松越一年甲申
故叅判贈領議政李公正臣以經歷莅諸府俱
有所祛弊省徭治績盛多府人士慕其遺愛立生
祠堂於府西太平館里畫像而祀之以寓瞻仰之
誠後以故判書金公演故叅判沈公珙故叅判金
公龍慶保釐之日亦有字利之政遂并享焉英
廟癸未因朝令撤其遺像子孫各自奉還而祠址
蕪廢士民指點咨嗟者久矣今上甲辰士人朴

濂倡言於衆曰五大夫之德政惠然在人者如何而歲月滋久風猷駸遠當日立祠之意將無以考信於後其無片石之紀蹟可乎僉曰諾於是折衝梁彥孟幹其事碑于遺址噫祠雖撤而碑存矣百世之下尚知五大夫之有遺愛於是都云爾

金匡國記

續○

徐氏遺愛閣

留守徐公潛徐公宗泰徐公宗伋徐公命均徐公命九徐公命彬善政碑閣

徐命膺記士大夫論國家薦紳家以清謹立門

戶子孫世其德爲方伯居留輒有遺愛者必以我徐氏爲最然其遺愛徵久於螭首龜趺則惟松京

留府爲尤盛蓋當萬曆庚戌忠肅公爲畱守革弊
以安民生節廩以贍國用暇則課文藝育人材爲
國家他日需士民德之碑其遺愛以寓瞻仰之思
自是二百有餘年之間文孝公冢宰公以忠肅公
之玄孫相繼爲留守復述忠肅公之治則士民又
碑其遺愛如忠肅公焉文翼公都憲公靖簡公又
以忠肅公之來孫相先後爲留守復述忠肅公之
治則士民又碑其遺愛如忠肅公焉於是一以大
碑屹于達道過者爲之指點咨嗟頌遺愛不衰每
留守適易願得徐氏爲留守民情可以見也忠肅

公碑舊有閣及文翼公居留拓其閣而同奉文孝
公之碑其餘三碑豎之異所冢宰之碑又制爲去
思臺而碑之今留守有防元禮卽都憲公之抱孫
而忠肅公之仍孫也莅任五朔備述兩世之治因
民之願益拓其舊閣遷四碑以世次同奉二碑之
左扁其閣曰徐氏遺愛閣貽書命膺俾道其事命
膺敢采忠肅公遺愛概略以見五公之遺愛亦不
外是嗣後千百年我徐氏之來爲留守者欲求其
治之不忝世德尚有徵於斯記云

續誌載在亭閣
類今移增于此

本府雖在外方而設官分職與京衙門同民之

於府官無城主化民之稱 明廟朝有一文士
始稱城主仍以成例名公巨卿爲畱守恩澤在
人沒世不忘者不爲不多而無立碑頌德之事
爲沈公守慶始立碑自是相繼列立
近因朝
今不得立
碑。
原

卷之四

...

...

...

...

...

...

...

...

...

...

附錄

潛谷金公之撰誌也蓋取徵於曹寧耐臣俊
松都雜記大者已備載於誌中而其餘所論
亦多有不可泯者今并撫金破屋靜厚坊名
誌及諺俗所傳者別為一篇附于原誌之下

○原
下同

東部楓橋之東有大濶洞並城北上至東小門有廉
興邦舊宅又有小濶洞次冬花井里東有臘脂井
俗稱麗時臘脂所染用此水云次坐犬里俗傳道
誅作石犬及長明燈坐於子男山下以爲壓勝之
術

南部過崇教寺里餘有鍾樓舊墟路出古南大門乃

前朝華使所由也惠民里有惠民局層閣本辛曉
家眈誅後作局今毀次地藏里舊有地藏寺

西部南大門外並城西上第一里曰上紙廬次下紙
廬有水陸橋在旻天寺側連接水蛭門橋南爲露
臺洞里次演福里西南爲泉洞有永義署橋奇尚
書退食齋亦在是洞太平館西爲彌羅里舊有彌
羅寺北有國子洞南有板房洞

北部有一巡馬二巡馬里麗時巡馬獄在皮井橋之

下

今稱馬木洞者蓋
以此而獄訛爲木

里北小山名天台舊有竭功

寺南曰禮賓里舊有禮賓寺次二架閣五架閣六

架閣南門內西廊通有架閣故名西曰兩城里舊有壽昌宮宮牆外有半月城是爲疊城故名

本府有堂上

留守

有郎廳

經歷都軍

留守所居稱上宅郎廳

所居分稱一宅二宅各邑則有座首別監而本府獨無蓋以漢城分司不同於外官也

車原頻高麗大匡伯孝全十九世孫也晦跡平山水雲巖洞足不履城市極言攻遼不可回軍後趙浚李良祐言以記功答曰左脅金鱗尚在余何汚開土上祖之忠義乎寧喫五斗醋不叅有功選嚴辭峻志以示不染之意爲鄭道傳咸傳霖趙英珪河

崙所推殺內外族類死亡略盡吉再聞原頰死引
書床投諸燈而痛哭趙云乞擊其案而痛哭時人
謂投燈之父擊案之盲淮安大君芳幹放歸田里
之日想原頰非命不覺喪心至農人田舍之飲却
忘騎去牛以歸李養中遁在野外之日怨原頰非
命不勝深憤至鄉人獵川之會打破其所盛醪器
而去時人謂之忘牛之子破醪之翁

宋復興府使象賢之父也家本在北部鞍子里未第
時以蔭監松禾等縣晚年移居全羅道其先世墓
山在巴只洞

萬曆壬辰四月晦日 大駕去邠留本府二日 御
南門上聚一都父老下哀痛罪已之 教令陳所
欲言朴鐵壽金慶溥河緯坤等伏地颺言請斬誤
國釀禍病民三人頭以謝一國爲恢復之策 上
問三人爲誰對曰李山海金公諒及臨海用事奴
也觀聽皆竦

朴乃成驍勇有膽略壬亂自募爲兵在臨津陣手弓
矢立水上射殺賊及師潰在長湍朔寧之間倡率
義勇鏖賊將兵多斬級與洪季男齊名官至訓練
正

文致祥解停初首舉生貢卽回回世子之孫

車軾字敬叔號頤齋與二子天輅雲輅皆有文章世
比三蘇其宰高城題杆城清簡亭詩曰疎雨白鷗
飛兩兩夕陽漁艇泛雙雙爲看暘谷金烏出畫閣
東頭不設窓膾炙一時

金明彥字士美元衡當國趨附者皆以賄賂得職公
守素不變元衡敗公得宰大邑俸外不取一毫
明廟嘗試文臣于大庭表立一白幟命出清白
吏坐其下於是庭臣共推公使坐所歷邑民皆父
母焉

金漢卿字士元系開城 明廟朝爲靈光郡守有元
衡奴倚勢作威暴橫一邑前守皆賓接之公到官
乃杖殺所歷甚有聲績

金滄字浩然府使自陽子也居官爲政尚慈蒲鞭示
罰吏不忍欺事繼母盡孝爲一鄉長者趙重峯憲
其門弟也

原○與弟漬滯並享
于五賢鄉祠○增

金漬字君澤號餐菊齋才德兩備壬辰爲召募官與
朴乃成殺賊游兵甚多

原下
同

金文豹字斐卿系清風號浩然亭天性質朴學業精
苦能通數學有柶圖說傳於世

略曰柶之外圓象
天內方象地即天

也卽地外也星之居中者樞星也旁列者二十八宿
也卽北辰居所而衆星拱之者也日行從水入木
次于土而還從水出者冬至之日短也從水入木
經行至金而又從水出者春分之日中也從水入木
木入火直行出于水者秋分之宵中也從水入木
歷火歷金而又出于水者夏至之日永也卽一物
而至此存焉者此也

田見龍字德普系牛峯少叅焚滌祠壬亂與招討使

李公廷鼐嬰守延安城殺賊甚多

明光啓字稚晦西蜀明玉珎之後進士世謙之子也
爲平澤縣監壬亂與倭賊戰中流矢而死

李廷麒勇善射家在蘿菴山下卽金長源舊基公
歿後頗著威神府郎朴公安道避寓其家夢見一

丈夫持劒驅遂不得居壬辰倭將亦然今爲徐兵使佑申家

田禹治家在影殿之傍能役使鬼物而詩調超凡

已上

出曹寧耐雜記

馬伏龍大見叅奉義慶之子也有儒行世其家動止以禮教誨諸弟雖飢饉之時能不食不義之食弟攀龍季見救其兄癘疾竟染病而死三父子皆賢無間然矣

已上出金破屋坊名志

吉再字再父號冶隱嘗作詩曰龍首正東傾短牆水芹田畔有垂楊身雖從衆無竒特志則夷齊餓首

陽麗末遜居善山金烏山

徐馨德崇德花潭先生之二弟也俱有異術世傳二人頗以異術自矜先生令試之竟不得售云

李西村慶昌周天說略曰天體至圓中高而四邊下以斗極爲中周圍三百六十五度四分度之一北極出地上三十六度南極入地下亦三十六度二極天之樞紐只此處不動如磨臍嵩高正當天之中自北極至嵩高五十五度自嵩高至夏至日道十二度自夏至至春秋分日道二十四度自春秋分至冬至日道二十四度自冬至南下去地三十

一度通計地上現者一百八十二度半強地下亦然天與日月皆繞地左旋天一日一周而過一度日月違天而退日行少遲故一日退一度月行尤遲故一日退十三度有奇三百六十者一歲之常數也日行一歲多五日九百四十分日之二百三十五而與天會月行一歲少五日九百四十分日之四百九十九而與日會所餘六日爲氣盈所少六日爲朔虛合氣盈朔虛之數爲閏閏所以消其盈而息其虛也三十三箇月而閏生十九歲七閏是謂一章八十一章則盈虛之餘分盡矣

尹遂一齋忠甲以四德五性及氣質教學分圈爲圖而終之以敬合以命之曰性命道德教學一貫圖其說曰右圖只爲玩繹小學題辭而作故不復旁引然而聖賢千謨萬訓皆不外是苟於此劈初頭直承當則到處逢其原也

按金浩然亭相圖說李西村周天說及此圖說

舊誌以有可觀者附於卷末故茲取以錄之

萬曆壬子慕堂洪公履祥居留本府公曾舉魁科其時經歷李時楨教授車雲輅俱擢魁元都事尹英賢亦魁司馬於是做麗朝龍頭會置四壯元稷設宴於太平館作六幅屏首圖宴會其下分畫花谷

朴淵滿月知足四時勝景各以四律繼之虛其末
屬西垌柳公根序其事而鋪張之蓋以柳亦魁元
人也年久屏失事幾無傳英廟壬辰洪公後孫
名漢繼為留守改製二屏圖畫如舊並載詩若文
一以自資一以遺滄洲後孫錫五

黃真名妓也有姿色能歌詩世稱花潭之道學朴淵

之名瀑黃真之義色為松都三絕云

真有朴淵詩曰電散霆馳

彌洞府珠卷玉碑徹晴空遊人莫道廬山騰頓有
天磨冠海東淵下巖上刻李白廬山詩一句或謂
真所書云○三絕之說擬之
非倫而舊俗所傳故存之

崇仁門外有太廟洞世傳麗時祧廟所在云

金破屋坊名誌云內城百地有都察門今稱都察峴

者是也而舊誌不載可疑

或云舊有都察院故峴因此得名未詳是否

曹寧耐雜記云由古南大門回顧碑篆門轉陽陵井

大明太祖遣徐師昊立碑于陽陵井其稱碑篆

門想以此也其西南爲鑄鍾嶺

本府設營在肅廟辛未李公鳳徵留守時也壬午

畱守差備局堂上權公瓊留守時也辛卯補管理

營金公萬堞留守時也

明廟朝特賜康翎蕪島魚箭八間於本府成均館而

中間因浦人輩弄奸私屬於石潭書院本館齋任

屢度往訟於康翎縣迄未得申 先朝賜牌之地
久屬他邑之院實爲慨然

英廟庚申 行幸時御明倫堂以東西泮村蕭條募
民入居事 下教申飭翌年辛酉徐畱守命九俊
太學懸房例給牛肆一坐使典僕輪回販賣而曾
於辛丑金相國在魯已給牛肆一坐并此爲兩肆
自是泮村賴以安集典僕輩爲二公立不忌碑于
香橋外

徐畱守宗伋清簡爲治敦尚儒化備經傳子史等書
以充經閣又多買學田以贍義儲

洪留守名漢至誠愛民多有惠政舊有黃麥黑荏新
稻等稅倍價徵捧乂爲痼弊至是並令蠲除自官
賀用民甚便之

南大門外路傍有四層石世傳麗時歷年一百則置
一石歷四百餘年故累至四層云

麗時人物如庾大匡黔弼崔文憲冲尹侍中瓘金文
烈富軾金中贊方慶李陶隱崇仁俱赫赫可稱而
舊誌不載今不敢添入

我國受 皇朝再造之恩涵濡感戴天地高深雖滄
桑萬變志士仁人匪風下泉之思烏能已也本府

前脩之見諸文字者蓋亦有可述焉如車五山天

輅送李提督詩

帝欲全安饒域東親提齊斧授元戎人間玉帳黃雲卷天上金星赤

角室宋主今知羊侃虎周王曾卜太公熊秬應折

筆鞭驕虜肯數勞師廣利功○一洗東民萬骨冤

聖皇威烈上公恩長驅熊虎衝遼塞大掣龍蛇出

海門義在固存興滅國慮深防患重殊藩復由楚

社從今日報答丘山未易言○曾喪秦庭叫帝關

乞師旋見沐皇恩威靈大暢兵○綏出灰燼重照國

辛存灑掃一壞陵寢上瘡痍萬姓箭刀痕一再者天

日知誰賜手額難言死敢諉○東主能全一尺天

聖神元帥荷陶甄封疆依舊三千里廟社重新二

百年漢日却者明宇宙海波猶喜滌腥膻速飛假

異非無地從此蒼生可息肩○聖波偏渥海東遼

白骨豐肌孰使然有國無之功不細殆天援也事

堪傳元戎師律先人勇外服邦基續命車滄洲雲

年願把清風頌明德一篇江漢入聲絃熙運接河

輅贈楊副使詩

清周協天神化開金鏡建極星文穆

抄本言

王衛鳳詔十行春動色鯨波萬里海無聲懸知宇下東籬在永世重添就日誠金破屋靜

厚聞杜鵑詩東溟欲洗三韓耻北極誰明萬姓心

過石將軍詩屹立有難撼岳家軍對峙層霄正氣存

慨時詩舉目江山雖我地傷心風景此何時金普

回瀾石叙畧曰隆慶元年命左給事中魏時亮

有石廟旬然若畫屏周歷灘上於是兩公詠之於

伯父適以事過此觀其碑文依然尚帶天朝年懷

而北望神州宇宙一腥矣慨然有恰古傷今朝之懷

遂次石上韻屬諸情契求和自成一軸竊唯我東

之於皇朝崇蒙覆燾之洪造覃恩汪於後世矣故

馬然拱北求由而此石猶存則遐思往古豈能無感

日之忱矣遂歷叙其事奉皆有感慕悲憤之意至

答先輩慕華之意云爾

於朴玄石叙金泳事則曰家祭祝號用崇禎不與

北使庭拜皆北使來百官庭拜公方在職同僚欲與俱公獨不肯公即破屋金公子也

嘗自慨然曰惟我皇明太祖掃除胡元功不在

禹下當有少康之績及聞中原兵起則曰此豈其

北耶歔唏久之云又系以銘曰華夷之辨聖人所

謹冠屨既易強暴是恐公在西土眩目盈耳猶不

自昧克闡其義曰我聖祖功齊夏禹是必有復

慨不親睹孝廟時命選壯勇士蓋為志事以儲才也府人朴隆世得與其選即防禦使朴

奎晃之祖也續下同

金白巖濟金籠巖澍兄弟也澍末澍奉使入中國還

至鴨江聞已革世遺書于其夫人曰忠臣不事二
君烈女不更二夫我返國無置身處因脫送朝衣
曰夫人死後與此合葬遂還入中國不知所終時
濟為平海郡守乘船入海島作詩曰呼船東問魯
連津五百年今一介臣可使孤魂能不死願隨紅
日照中垠亦不知所終我 正宗庚申設壇海上
招魂致祭兄弟並享一院 賜額孤竹○二公本
善山人嘗寓居于開城多義洞其家乘云
薛文肅公仁儉文讓公公儉麗朝名臣也或傳麗時
為立書院于本府而今無所在不可攷

車侍中仁頰雲巖原頰之族弟也韋世後隱居不仕

及原頰被禍坐謫善山後乃歸老子松京舊第見

寧耐臣俊所撰公六代孫慕齋範墓誌公之孫蘇村應輪及範俱有文行云

崇節祠三忠臣遺墟俱在府內宋泉谷劉將軍遺址在北部禮賓里金松

巖遺址在南而原誌不載今姑仍舊云

尹月汀根壽莅府時振起儒化多所成就嘗召聚府

中多士或講學或賦詩名曰斯文會士人韓彥良最被稱獎時

與論學未幾卒公為文以祭之甚加悼惜○彥良六世孫生貧命相號是學齋有孝行博識故事又

以楷隸名世

嚴留守緝居官清白秋毫無所犯適歸時蟹蟹一缸

入裝中至中路覺之卽令還之曰不在其官焉用其物

李墩號耻堂再除寢郎不就甲子适變墩言于府留守曰适今舉兵來必不入青石洞與我五百軍伏於龍岷近處可以生擒留守以爲适不聽後果如其言又與金自點沈器達素相親厚及其錄勲勢位方盛墩忽與相絕不通書問二賊後皆以逆死人以爲有先見云

崔上舍繼林自少好學不規規於外慕有詩曰此理本無形窮經乃可明奈何今世學擾擾務要名又

曰獨坐南牖夜天機可自知多端明日事得失判
於斯又曰衣冠從俗制道義學前賢湛然方寸地
默契獨蒼天又曰學問元來分內事聊將飢飽付
諸天何須逐世要名利好向明窓對聖賢觀此數
詩足以見學力之所至矣

曾孫進士進大有孝誠
父病血指留守洪公屬

祚薦以孝廉
至擬竊即

高麗典書邊肅當麗運訖遜于白川號其里曰慕麗
名其坊曰勿屈人稱慕麗節士云

增下
同

徐佑申花潭之孫丙子亂以南兵使入援欲直進南
漢監司閔聖徽不從到迷源又請於元帥沈器遠

器遠不從至被杖罰及罷歸本道時擊蒙古歸師
殺獲甚多蒙古走入安邊殺掠幾盡厥後金時讓
上疏請斬佑申以償安邊死卒之命李時白上劄
曰佑申既受閫寄不戰何爲佑申受制上將志不
得伸才不得展今茲一戰遂陷重辟不亦可痛之

甚乎

上遂免佑申死

出尤菴集及
朝野會通

田大方見龍之子以才諳名世 仁祖癸亥李貴守

松京募兵得二百六十餘人名曰御營軍俾充環

衛貴仍爲御營使以田大方爲叅謀官

出文獻
備考

徐留守憲淳愛民喜施尤致意於養士勸武爲買田

以資之仍刻石記其事其儒田記實文曰是學也
惟我 太宗聖祖入學開筵之所而圃牧諸先生
先後興教抱經修道之士皆得其正傳韞櫝而藏
不屑名利信義矣哉此 朝家所以軫念故都人
士而黌序儀度蠶鹽供需一視國學仍其館之舊
名者也爲保釐者敢不宣上之德以揚嘉茂之實
行哉予以置學田贍義諸獎勵青衿日課月程俾
多士齊魯之前修之志固有在也今焉館俸日殘
不可繼給條科之設其將闕如余莅茲周歲才拙
識短無一補益之政時誦師表慙新守人才識舊

京之句只自忸汗乃劃財得數區田歲收稅利以
復古式諸君子尚勉旃勉旃其武田記實文曰西
京古稱尚武豈提戈鳴弓勇於人云乎哉或曰天
磨松嶽扶輿磅礴生於其間者往往有卓犖不凡
之人是風氣使然然則形勝之雄於左海者不惟
天磨松嶽而西京爲最哉蓋勝國之季以忠義自
任雄名偉績之照人耳目者指不勝屈五百年遺
風餘波漸染不已輒當本朝有事之日慕義奮
身知進無退此非乃父乃祖若子若孫志氣相襲
慷慨自許者歟諉諸山川風氣則未也乃者朝

家軫恤之典異諸他方獎詡之節在於平時營制
一倣兩局關防壯於西道緩急誠有恃矣余守茲
土稔知其賞與不優試藝失課乃劃田十數頃以
備供射之資亦庶幾尚武之一助歟

右兩碑文並
留相所撰而

儒田碑立于成均館傍
武田碑立于訓鍊院傍

鄉人之登於輿誦而未蒙 褒典者亦多如生員是

學齋韓命相之孝行才學士人李益贊朴泰彬禹
聖天之内行修備士人天山齋禹昌洛李贊之有
志經行士人趙琦李體元同知金國寶僉知李英
珍士人鄭鐸馬之逸朴東彬李養春林岬韓就樂

梁應天金鼎禹李鉉謙同知朴枝元部將金啓運
武科全命晃薛世淵李世烜監察韓大勲萬戶梁
廷億僉使金相禹士人李載均梁彥綱林師國林
漵崔徵秀金啓純劉繼義梁祐鎮崔重遠河始五

武科金樂增之竭誠事親皆不可泯沒也

續增合杜門

洞後裔有林德履遊學賢門士人金用礪質表行修此外稍稍有自好之士而不能盡錄○績

婦人烈行如進士李程萬妻全氏士人金元善妻權

氏玄燾廣妻朴氏薛成龍妻洪氏洪宅觀妻潘氏

林奉祖妻金氏馬之達妻金氏玄儀德妻朴氏金

致五妻崔氏李希祖妻白氏金希沉妻白氏金鎮

國妻孫氏金潤復妾金氏李冀妻朴氏韓敬穆妻

柳氏洪河瑞妻李氏金道行妻金氏林昌福

妻韓氏皆夫死從死至如士人許澍妻魯氏將仕

郎權泳妻林氏之孝奉舅姑具百祥妻韓氏之婦

道甚備皆不可泯沒也

續增合○韓市隱五世孫復盛妻南氏事舅姑孝其

舅病時有白鳥墮柑之異人以為孝感云○續

松京詩卷八

松京誌卷之八

